

杜
工
部
集

杜工部集卷之五

虞山蒙叟錢

謙益

雙

古詩五十六首

居東川再至關
州復觀成都作

觀打魚歌

綿州江水之

一作水

東津。魴魚鱗鱗色勝銀。漁人漾舟沉

大網。截江一擁。數百鱗。衆魚常才盡。却棄赤鯉。騰出

如有神。潛龍無聲老蛟怒。迴風颯颯吹沙塵。養子

左右揮霜刀。鱠飛金盤白雪高。徐州秃尾不足憶。

一作惜

漢陰槎頭遠遁逃。魴魚肥美知第一。既飽歡娛亦蕭

瑟。君不見朝來割素髻。咫尺波濤永相失。

綿州

寰宇記漢為涪縣屬廣漢郡即涪水之所經隋開皇五年改涪州
為綿州以涪水為涪水經注涪水西出綿竹縣又與涪水合亦謂

綿州

寰宇記漢為涪縣屬廣漢郡即涪水之所經隋開皇五年改涪州
為綿州以涪水為涪水經注涪水西出綿竹縣又與涪水合亦謂

魴魚
點視

用意在獲
一

公急字便見
最奇元開

之鄂江也又言是洛水洛水又南運洛縣故城南廣漢郡治也赤鯉古今注兗州人謂赤鯉為赤鯉

仍不得喫號赤鯉公賣者決六十杜實大紫拾遺錄梁鄒濟泠水有大魚

似鯉頭一角長尺餘鱗立赤從水出入橫濱進流西北十餘里入潯陽

皆謂赤龍大鯉從淵而出此亦唐祚將興之兆禿尾詩義疏鯉似鯉而大頭鯉之不美者故里

謂之鯉殆所謂禿尾也語曰買魚得鯉不如買魚得禿徐州謂之鯉或

徐州禿尾也槎頭襄陽者謂山不與水中出鯉魚肥美常禁人

高帝求此魚敬兒作饗鯉船置魚而獻曰奉槎頭縮項鯉魚一千六百頭

夢所曰孫炎釋爾雅積柴木水中養魚曰槎頭陽俗謂修為槎頭言積柴

木槎枒然也鮐魚詩義疏遼東累水鮐特肥而厚尤美于中國鮐故其鄉語

又觀打魚詩首只從既飽歡笑亦蕭瑟句唱之則合世路干戈亦妙

蒼江漁子清晨集設網提綱萬一作魚魚急能者操舟疾

若風撐突波濤挺义入小魚脫漏不可記一作半死半

生猶戢戢大魚傷損皆垂頭屈强泥沙一作有時立東

津觀魚已再來主人罷鱸還傾盃日暮蛟龍收窟穴

山根鱸鮓隨雲雷干戈兵革鬪未止云干戈格鳳凰鳳凰

麟安在哉吾徒因爲縱此樂暴殄天物聖所哀

挺義西征賦垂餌出入挺義來往注又取魚義也西京賦曰以緩之所獲換山根東京賦王鮪岫居山有穴曰岫其穴在河

南小平山故有山根之句古今注

越王樓歌

綿州州府何磊落顯慶年中越王作孤城西北起高

樓碧瓦朱甍照城郭樓下長江百丈清山頭落日半

輪明君王舊跡今人賞轉見千秋萬古情

越王樓綿州屬經在綿州城外西北有臺高百尺上有樓下瞰州城唐顯慶中太宗子越王貞爲綿州刺史日建李無忌越王曹敬

南州因向城隅建此樓橫玉遠開千嶺雲暗雷下臨一江流貞刺綿州本傳不載蓋史闕也

海棕行

左綿公館清江濱海棕一株高入雲龍鱗犀甲相錯
落蒼稜白皮十抱文自一作但是衆木亂紛紛海棕焉知
身出羣移栽北辰不可得時有西域口僧識

左綿

蜀都賦于東則左綿巴中百濮所充舊注綿州涪水所經涪居其右綿居其左故曰左綿

海棕

唐子西海家遊治平院詩

云江邊勝事畧尋遍不見海棕高入雲注云卽老杜所云東津者蓋館與棕皆在涪江之東津也陸放翁云老杜在左綿所賦海棕今已不存宋子京益都方物海樓贊樓皆櫛皮此獨自餘櫛葉于顯蘇首披散秋華而實其值則四千注云大抵樓類然不皮而餘葉叢于杪至秋乃實似櫛子

姜楚公畫角鷹歌

楚公畫鷹鷹戴角殺氣森森

一作如

到幽朔觀者貪愁

一作徒驚

掣臂

一作健

飛畫師不是無心學此鷹寫真在左綿却嗟

真骨遂虛傳梁間燕雀休驚怕亦未搏空上九天

楚公

名盡記姜皎善畫鷹鳥玄宗在藩爲尚衣未御印位品官至太常卿封楚國公陸務觀云盡鷹在綿州錄來

相從歌贈嚴二別駕

二云別駕相逐歌

我行入東川十步一迴首

成都

亂能氣蕭颯

一作透沅

花草堂亦何有梓中

一作豪俊

大者誰

本州從事知名久

把臂開樽飲我酒

酒酣

擊劍蛟龍吼

烏帽拂塵

青螺

一作粟

紫衣

將炙緋衣走銅盤

燒蠟光

一作吐

日夜

如何

其初促膝

黃昏始扣主人門

誰謂俄頃

一作積

膠在

漆萬事盡付形骸外

百年未見

及

歡娛畢

神傾意豁

真佳

小

客多憂

今愈疾

高視乾坤又可

一作何

愁一軀

交態同

真

悠悠

垂老遇君

未恨晚

似君須向古人求

陳浩然本及草堂諸本題下雖注云時方經崔旰之亂吳若本無之觀曰崔旰之亂在永泰元年公已次雲安此詩當是寶應元年避徐知道之亂

往梓州作也題下七字乃注家妄添而後東川元和郡國志梓州今為東川節度使理所青
人不察以謂公自注也今從吳若本刪去
螺泉趙曰青螺泉帽之紋也

光祿坂行

山行落日下絕壁西望千山萬山一作水赤樹枝有鳥亂

鳴一作棲時暝色無人獨歸客馬驚不憂深谷墜草動只

怕長弓射安得更似開元中道路即今多云擁隔

光祿坂

舊注在梓州銅山縣

長弓

吳若本注云白日賊多謂是長弓子弟

傳曰崔寧傳云寶應初蜀中亂山賊擁絕道路代宗憂之此詩乃寶應元年作

冬到金華山觀因得故拾遺陳公學堂遺跡

涪右衆山內金華紫崔嵬上有蔚藍天垂光抱瓊臺
繫舟接絕壁杖策窮縈回四顧俯層巔淡然川谷開

雪嶺日色

一作光

死霜鴻有餘哀焚香玉女跪霧裏仙人

來陳公讀書堂石柱及青苔悲風為我起激烈傷雄

才

山觀

輿地紀勝陳拾遺書堂在射洪縣北金華山大曆中東川節度使李叔明為立旌德碑于金華山讀書堂今在玉京觀之後有唐劉

蛻詩盧藏用祭文

涪石

元和郡國志涪江水西者自鄰縣界流入在射洪縣東一百步縣有梓潼水與涪江合流水經涪水南至小廣

魏興梓

蔚藍

度人經鬱藍玉明天陸放翁云蔚藍乃隱語天名非可以義理解也杜詩云猶木自宮韓子蒼乃云水色天光共蔚

藍直謂入水之色俱如藍耳恐又因老杜而失之者也

雪嶺

寰宇記懸巖在射洪縣南十五里遠望懸巖皎如白雪

玉女

曹洞遠游詩靈籙戴方丈神物像差異仙人翔其隈玉女戲其阿

陳拾遺故宅

拾遺平昔居大屋

一作宅

尚脩椽悠揚

一作悠

荒山日慘淡

一作暮

故園

一作國

烟位下曷足傷所貴者聖賢有才繼騷雅哲

匠不比肩公生楊馬後名與日月懸同遊英俊人多
秉輔佐權彥昭超一作趙王價郭振一作震起通泉到今素壁
滑洒翰銀鈎連盛事會一時此堂豈千年終古立一作占
忠義感遇有遺編

舊唐陳子昂家世豪富子昂獨苦節讀書為感遇詩三十首王適見而驚
曰此子必為天下文宗矣高宗崩請闕上書自稱梓州射洪縣草莽愚臣
子昂則天召見拜麟臺正字再轉右拾遺彥昭同中書門下三品與郭元振張說友善英華
注曰中宗時彥昭以權幸得相唐史彥昭傳不載入蜀事鶴曰元振尉
通泉在梓州東南一百三十里而彥昭與元振同業太學故宜同游

謁文公上方

野寺隱喬木山僧高下居石門日色異絳氣橫扶疎
窈窕一作窈入風磴長蘿紛卷舒庭前猛虎卧遂得文公
廬俯視萬家邑烟塵對階除吾師雨花外不下十年

餘長者自布金禪龕只晏如大一作珠脫玷翳白月
當空虛甫也南北人蕪蔓少耘鋤久遭詩酒汚何事
忝簪裾王侯與螻蟻同盡隨丘墟願聞第一義廻向
心地初金匱刮眼膜價重百車渠無生有汲引茲理
儻吹噓

奉贈射洪李四丈

明甫

丈人屋上烏人好烏亦好人生意氣豁不在相逢早
南京亂初定所向邑一作枯槁遊子無根株茅齋付秋
草東征下月峽挂席窮海島萬里須十金妻孥未相
保蒼茫風塵際踳踳騏驎老志士懷感傷心胸已傾
倒

屋上烏

毛詩傳富人之屋烏所集也尚書大傳武王登夏臺以臨廢民周公曰愛其人者愛其屋上之烏惜其人者惜其儲蓄孔叢子

亦云愛屋及烏

早發射洪縣南途中作

將老憂貧竄筋力豈能及征途乃

興作復一作復

侵星得使諸

病入鄙人寡道氣在困無獨立俶裝逐徒旅達曙凌

險澁寒日出霧遲清江轉山急僕夫行不進驚馬若

維繫汀洲稍疎散風景開快

二云情

悵空慰所尚懷終非

曩遊集衰顏偶一破勝事難屢

二云豈

挹茫然阮籍途更

洒楊朱泣

俶裝

思玄賦簡元展而俶裝注俶始也

通泉驛南去通泉縣十五里山水作

溪行衣自濕亭午氣始散冬溫蚊蚋在集人遠鳬鴨

亂登頓生曾陰欹傾出高岸驛樓衰柳側縣郭輕烟

畔一川何綺麗盡目一作日窮壯觀山色一作日盡真光夕

滋漫傷一作知時愧孔父去國同王粲我生苦飄零所歷

有嗟歎

通泉

寰宇志通泉縣故西宕渠郡通泉縣地名黃嶺川隋置通泉縣通泉山在縣西北二十里東臨涪江壁絕二百餘丈水從山頂湧出

下注亭午

天台賦羲和亭午纂涪江亭午要日在午曰亭午

過郭代公故宅

豪俊初未遇其跡或脫畧代公尉通泉放意何自若

及夫登袞冕直氣森噴薄一本此下有精爽潔如在所歷終蕭索磊落見異人

豈伊常情度定策神龍後宮中翕清廓俄頃辨尊親

指揮存顧託羣公有一一作見慚色王室無削弱迴出名臣

上丹青照臺閣我行得遺跡址一作池館皆疏鑿壯公臨

事斷顧步涕橫落草堂本精魄稟如一聯在此下高咏寶劍篇神交付

冥漠

郭代公張說撰行狀云公少儻靡落有大志十六入太學與薛稷趙

尉落拓不拘小節常騎錢掠良人財以濟四方海內同聲合氣有至于萬

者則天聞其名驛徵引見帝至夜甚奇之問蜀川之蹟對而不隱令錄其

文乃上古劒歌則天覽而佳之令寫數十本遍賜學士先天二年知政事

太平公主實懷貞潛結兇黨謀廢皇帝睿宗猶豫不決諸相皆阿順旨

惟公廷爭不受詔及舉兵誅懷貞等宮城大亂睿宗步肅章門觀變諸相

皆竄外省公獨登奉天門樓躬侍睿宗聞東宮兵至將欲授于樓下公親

扶聖躬敦勸乃止及上即位宿中書

十四日獨知政事下詔封代國公

箋曰按代公定策在先天二年而杜詩云定策神龍後蓋太平安樂二公

主及章后用事俱在神龍二年故云神龍後也吳若本注云明皇與劉幽

求平韋庶人之亂正在神龍後元振常有功其間而史失之微此詩無以

見不知元振為宗楚客等所嫉出之安西幾為所陷楚客等被誅始得微

遷何從與平泉后之亂此
泥詩而不考古之過也

觀薛稷少保書畫壁

少保有古風待之陝郊篇惜哉功名忤但見書畫傳
我游梓州東遺跡涪江邊盡藏青蓮界書入金榜懸
仰看垂露姿不崩亦不騫鬱鬱三大字蛟龍岌相纏
又揮西方變發地扶屋椽慘淡壁飛動到今色未填
此行疊壯觀郭薛俱才賢不知百載後誰復來通泉

張彥遠名畫記薛稷字嗣通河東汾陰人多才藻工書畫外祖魏文貞公
官有書畫多虞褚手寫表疏稷銳意撫摹窮年忘倦官至銀青光祿大夫
太子少保封晉國公實懷貞累之年六十九朱景玄各畫錄薛稷天后朝
位至宰相學書師褚河南時稱其得薛不失其節畫蹟如閑立本曾旅
游新安郡遇李白因相留請書永安寺繡兼畫西方佛一壁筆力瀟灑風
姿逸秀曹張之匹也二跡之妙李翰林題讚見在張燕公豫州判魏君碑
公諱叔瑜考太師鄭文貞公公善于草隸妙絕時人以筆意傳次于華及
甥河東薛稷世稱前有虞褚後有薛魏金臺記呂總曰薛稷書如鳳驚苑

花雪慈山栢園地紀勝薛稷書慧普寺三字
方徑三尺筆畫雄健在通泉壽聖寺聚古堂
陝郊吳若本注公詩曰驅車越陝郊北顧臨大

河垂露金壺記漢曹喜字仲則工篆隸
變懸針垂露之法後世不易
通泉夢弼曰趙彥昭傳云與郭元振薛稷善郭傳云

與薛稷趙彥昭同入太學蓋郭與薛舊為同舍後又會于通泉也

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶出塵
低昂各有意磊落如長人佳此志氣遠豈惟粉墨新
萬里不以力羣遊森會神威遲白鳳態非是倉鷗鄰
高堂未傾覆常一作幸得慰嘉賓曝露牆壁外終嗟風雨
頻赤霄有真骨耻飲滄池津冥冥任所往脫畧誰能

駢

名畫記稷尤善花鳥人物雜畫蓋鴻知名屏風六扇鶴樣自稷始也名畫
錄今秘書省有稷畫鶴時號一絕又蜀郡亦有鶴并佛像菩薩青牛等像

于世並居神品封氏見開記今尚書省考切員外郎題有以是為家之問
為讀工部尚書廳有稷盡樹石東京尚書坊岐王宅亦有稷盡樹詩附精
絕米芾有題所得青田晉永嘉郡記曰有沐溪去青田九里此中有雙
蘇氏薛稷二鶴詩白鶴千年生子長大便去只餘父母一雙在
耳精白可愛赤霄七命掛歸綸
多云神所養于赤霄之表

陪王侍御同登東山最高頂宴姚通泉晚携酒

泛江

姚公美政誰與儔不減昔時陳太丘邑中上客有柱
史多暇日陪驄馬游東山高頂羅珍羞下顧城郭銷
我憂清江白日落欲盡復携美人登綵舟笛聲憤怨
一作怒哀中流妙舞逶迤夜未休燈前往往大魚出聽曲
低昂如有求三更風起寒浪湧取樂喧呼覺船重滿
空星河光破碎四座賓客色不動請公臨深江一作江莫相

違迴船罷酒上馬歸人生歡會豈有極無使霜過露一作露人衣

春日戲題惱郝使君兄

使君意

一作俊

氣凌青霄憶昨歡娛常見招細馬時鳴金

驤裏佳人屢出董嬌饒東流江水西飛鷺可惜春光
不相見願携玉趙兩紅顏再騁肌膚如素練通泉百
里近梓州請公一來開我愁舞處重看花滿面尊
前還有錦纏頭

董嬌饒

玉臺新詠宋子侯有董嬌饒詩毛晃韻

纏頭

太真外傳上戲

新增嬌字誤引此詩作妖嬌宜正之
日幸得供養夫人請一纏頭唐書魚朝恩出錦三匹羅五十四綾一百匹
爲子儀纏頭之費御覽云舊俗賞歌舞人錦綵置之頭上謂之纏頭宴李
加恩借以爲詞

短歌有氣
悲動人

短歌行贈王郎司直

王郎酒酣拔劍斫地歌莫哀我能拔爾抑塞磊落之
奇才豫樟翻風白日動鯨魚跋浪滄溟開且脫佩劍
休徘徊西得諸侯棹錦水欲向何門跋吳作珠履仲宣
樓頭春色一作深青眼高歌望吾子眼中之人吾老矣
王司直贈友詩官有王司直即其人也仲宣樓方輿勝覽在荊州府城東南隅後梁時高季興建吾子

儀禮望吾子之教也注吾子相親之辭

短歌行送祁錄事歸合州因寄蘇使君草堂本作卬州錄事

前者途中一相見人事經年記君面後生相動一作何
寂寥君有長才不貧賤君今起施春江流余亦沙邊
具小舟幸為達書賢府主江花未盡會江樓

江樓

方輿紀勝在合州州治之前釣魚山學士山巫山橫其前下臨漢水

陪章留後惠義寺餞嘉州崔都督赴州

中軍待上客、令肅事有恒、前驅入寶地、祖帳飄金繩、

南陌

一作伯

既留歡茲山、亦深登清聞、樹杪磬遠謁雲端、

僧迴策匪新岸

樂作崖

所攀仍舊藤、耳激洞門颺、目存寒

谷冰出塵、悶軌躅畢景、遺炎蒸、永願坐長夏、將衰棲

大乘、羈旅惜宴會、艱難懷友朋、勞生共幾何、離恨兼

相仍

金繩

法華經國名讚垢琉璃爲地有八交道黃金爲繩

將適吳楚留別章使君留後兼幕府諸公得柳

字

我

一作前

來入蜀門歲月亦已久豈唯長兒童自覺成老

醜常恐性坦率失身爲杯酒近辭痛飲徒折節萬夫

一作人

後昔如

一作若

縱壑魚今如喪家狗既無遊方戀行止

復何有相逢半新故取別隨薄厚不意青草湖扁舟

落吾手眷眷章梓州開筵俯高柳樓前出騎馬帳下

羅賓友健兒簸紅旗此樂或

一作幾

難朽日車隱崑崙鳥

雀噪戶瀾波濤未足畏

一作慰

三峽徒雷吼所憂盜賊多

重見衣冠走中原消息斷黃屋今安否終作適荆蠻

安排用莊叟隨雲拜東皇挂席上南斗有使卽寄書

無使長廻首

青草湖

荊州記巴陵南有青草湖周迴百里日月出沒其中湖南有青
草山故因以爲名一名洞庭湖南遷錄洞庭湖西岸有沙洲堆

皇隆起即青草廟下一湖之內中有此
洲南名青草北名洞庭所謂重湖也
東皇隋志曰荆州九重祠祀屈
原製九歌蓋由此也五臣
曰太乙星名天之尊神祠在
楚東以配東帝故曰東皇

山寺

得開字章
留後同遊

野寺根

一作限

石壁諸龕遍崔嵬前佛不復辨百身一莓

苔雖

一作唯

有古殿存世尊亦塵埃如聞龍象泣足令信

者哀使君騎紫馬捧擁從西來樹羽靜千里臨江久

徘徊山僧衣藍縷告訴棟梁摧公為顧

一作領

賓徒

一作兵徒

咄嗟檀施開吾知多羅樹却倚蓮華臺諸天必歡喜

鬼物無嫌猜以茲撫士卒孰曰非周才窮子失淨處

高人憂禍胎歲晏風破肉荒林寒可迴思量入

一作道人

苦自哂同嬰孩

多羅

百陽雜俎貝多出摩伽陀國長六七丈經冬不凋此樹有三種一

羅多黎漢翻為葉貝多婆力又者漢言葉樹也西域經書用此三種皮葉若能保護亦得五六百年翻譯名義舊名貝多此翻岸形如此方樓欄極高長八九十尺有人云一多羅樹高七仞西域記云南印建那補羅國北不遠有多羅樹林三十餘里其葉長廣其色光潤諸國書寫莫不采用

窮子

見法華經

樓拂子

樓拂且薄陋豈知身効能不堪代白羽有足除蒼

一作青

蠅焚焚金錯刀擢擢朱絲繩非獨顏色好亦用

音作由顧

盼稱吾老抱疾病家貧卧炎蒸啞膚倦撲滅賴爾甘

服膺物微世競棄義在誰肯徵三歲清秋至未敢闕

絨膝

金錯

文選四愁詩美人贈我金錯刀善注續漢書曰佩刀諸侯王黃金錯環謝承後漢書詔賜應奉金錯把刀前漢志新室更造美刀錯

刀錯刀以黃金錯其文一刀直五千此云煖煖金錯刀謂佩刀也對雪詩
云金錯囊徒罄謂錢刀也虎牙行云金錯旌竿滿雲直謂以黃金錯鏤旗
竿也蓋古人以金錯器皆謂之金錯張九齡白羽扇賦縱秋氣之務奪終感恩于寶
託喻深清秋中此詩落句亦九齡之意而云不堪代白羽其
厚可飄

桃竹杖引

贈章留後

江心一作上蟠石生桃竹。蒼波噴浸尺度足。斬根削皮如
紫玉。江妃水仙惜不得。梓潼使君一作者開一束。滿堂賓
客皆歎息。隣我老病贈兩莖。出入爪甲鏗有聲。老夫
復欲東南征。乘濤鼓枻一作棹白帝城。路幽必爲鬼神奪。
拔一作枝劍或與蛟龍爭。重爲告曰杖兮杖。爾之生也
甚正。直慎勿見水踴躍學變化。爲龍使我不得爾之
扶持。滅跡于君山湖上之青峰。噫風塵瀕洞兮豺虎

咬人忽失雙杖兮吾將曷從

桃竹

蜀都賦靈壽桃枝注曰桃枝竹屬也出荊江縣可以為杖元和郡國志合州銅梁山出桃枝竹東坡跋桃枝杖引後桃竹葉如機身

如竹密節而實中羣瘦骨蓋天成拄杖也嶺外人多種此而不知其為

桃竹流傳四方視其端有眼者蓋自東坡出也又書椰子亭詩云盛時一失貴反賤桃笙葵扇安可常偶閱方言簞末魏之問謂之簞乃悟桃笙以

桃竹為簞也梁簡文答南平王餉舞簞書云五簞九折出桃枝之翠笋乃

謂桃枝竹簞也郭璞有桃杖贊江妃水仙江賦馮□倚浪以傲現江妃含嚙而綿眇王逸楚詞

注馮□水仙人

。 寄題江外草堂

梓州作寄成都故居

我生性放誕難欲逃自然嗜酒愛風

一作修

竹卜居必

此一作

林泉遭亂到蜀江卧病遣

晉作遺

所便誅茅初一畝廣地

方

一作必

連延經營上元始斷手寶應年敢謀土木麗自

覺面勢堅

一作賢

臺亭

一作亭臺

隨高下敞豁當清川雖

一作樂

有會

心侶數能同釣船。干戈未偃息，安得酣歌眠。蛟龍無
 定窟，黃鵠摩蒼天。古來達士志，一作賢達士寧受外物牽。顧
 惟魯鈍姿，豈識悔吝先。偶携老妻去，慘澹凌風烟。事
 跡無固必，幽貞媿雙全。尚念四小松，蔓草易一作已拘纏。
 霜骨不甚長，永為鄰里憐。

草堂

舊書甫於成都浣花里種竹植樹結廬枕江縱酒常懷注公從
 同谷入蜀上居成都成都亂遂走梓州今于梓州懷思舊作是

詩寄題公以乾元元年冬末至成都明年上元元年上祭
 草堂又二年實應元年草堂成此詩當是廣德元年作

韋諷錄事宅觀曹將軍畫馬圖

國初已來畫鞍馬，神妙獨數江都王。將軍得名三十
 十載，人間又見真乘黃。曾貌先帝照夜白，龍池十日
 飛霹靂。內府殷紅馬腦盃，一作盤婕妤傳詔才人索盃賜。

惜畫馬詩慨此
 以老一飯不忘君
 也

畫馬真馬一片

神行不知何者

是真何者是

画

意在同画馬意
真馬所以這思
此時而與嘆也

將軍拜舞歸。輕純細綺相追飛。一作貴戚權門得筆跡。
始覺屏障生光輝。昔日太宗奉毛騮。近時郭家師子
花。今之新畫。圖有二馬。復令識者久歎嗟。此皆騎戰
一敵萬。綿素漠漠開風沙。其餘七匹亦殊絕。迥若寒
空動。朔雪霜蹄蹴踏長楸間。馬官廝養森成列。可憐
九馬爭神駿。顧視清高氣深穩。借問苦心愛者誰。後
有韋諷前支遁。憶昔巡幸新豐宮。翠華拂天來向東。
騰驤翥落三萬匹。皆與此圖筋骨同。自從獻寶朝河
宗。無復射蛟江水中。君不見金粟堆前松柏裏。龍媒
去盡鳥呼風。

曹霸名畫記曹霸魏曹髦之後髦書稱于魏代霸在開元中江都王
已得名天寶末每詔畫御馬及功臣官至左武衛將軍

玄宗之射蛟

前漢記元封五年武帝自灃陽浮江親射蛟江中獲之

金粟堆

舊唐明皇親序五陵至睿宗橋

陵見金粟山岡有龍盤虎踞之勢復近先皇舊侍臣以言千秋後宜葬此地長安志明皇泰陵在蒲城東北三十里金粟山廣德元年三月葬泰陵

○送韋諷上閬州錄事叅軍

國步猶艱難○兵革未衰息○萬方哀

一作

嗷嗷十載

一作

供

軍食○庶官務劬劬○不暇憂反側○誅求何多門○賢者貴

為德

晉作賢俊愧為力

韋生富春秋○洞澈有清識○操持紀綱地

喜見朱絲直○當令

一作

豪奪吏

自此無顏色○必若救瘡

痍○先應去蝥賊○揮淚臨大江○高天意悽惻○行行樹佳

政○慰我深相憶

○丹青引

贈曹將軍

將軍魏武之子孫○於今為庶為清門○英雄割據雖

一作皆

已矣文彩風流猶今制尚存學書初學衛夫人但恨無

宋晉作過王右軍丹青不知老將至富貴於我如浮雲開

元之中一作年常引見承恩數上南薰殿凌烟功臣少顏

色將軍下筆開生面良相頭上進賢冠猛將腰間大

羽箭褒公鄂公毛髮動英姿颯爽一作來酣戰先帝

天一作御馬玉花驄畫工如山貌不同是日牽來赤墀下

迴一作憂立闔闔生長風詔謂將軍拂絹素意匠慘淡經

營中一作須九重真龍出一洗萬古凡馬空玉花却在

御榻上榻上庭前屹相向至尊含笑催賜金圉人太

僕皆惆悵一作反弟子韓幹一作反早入室亦能畫馬窮殊相一作狀幹

惟畫肉不畫骨忍使驂騮氣凋喪將軍畫一作盡善一作妙蓋

有神必偶逢佳士亦寫真卽今飄泊干戈際英華作

常行路人途窮反遭俗眼白世上未有如公貧他富至

但看古來盛名下終日坎壈纏其身

衛夫人

法書要錄羊欣傳古來能書人名蔡邕授于師人而傳之崔瑗及女文姬又姬傳之鍾繇鍾繇傳之衛夫人衛夫人傳之王羲之張懷瓘書斷衛夫人各標字茂翁廷尉展之女弟恒之從女汝陰太守

李矩之妻也隸書稍一規矩鍾公右軍常師之永和五年卒子克爲中書

郎亦工書善史會要王職導從弟與衛世爲南薰殿與慶宮之北有

中表故得蔡邕書法于衛夫人以授子羲之南薰殿龍池前有攏洲

門內有凌烟貞觀十七年詔圖立本畫凌烟閣功臣二十四圖上自爲

南薰殿凌烟贊開府儀同三司鄧國公敬德第七故輔國大將軍楊州

都督翼國忠壯公志玄第十韋述南京記太極宮中有凌烟閣在凝陰殿

內功臣閣在凌烟閣南南部新書畫功臣皆北而設三隔內一層畫功高

宰輔外一層寫功高侯韓幹長安志載西陽維紐云韓幹藍田人少時

王父外一層次第功臣韓幹常爲賣酒家送酒王右丞兄弟未遇每賣

酒漫遊幹嘗徵債于王家戲畫地爲人馬右丞奇其意趣乃歲與錢二萬

令歎畫十餘年名畫記韓幹大梁人王右丞見其畫遂推獎之官至太府

寺丞善寫貌人物尤工鞍馬初師曹霸後獨自擅杜甫贈畫馬歌云云

徒以幹馬肥大遂有畫肉之謂古人畫馬有八駿圖皆峭頸龍體矢激電

馳非馬之狀也晉宋間顧陸之輩已獨改步周齊間董展之流亦云變態
雖權奇滅沒乃屈產獨駒尚翹舉之姿乏安徐之體至於毛色率多驕驕
雖駁無他奇異玄宗好大馬御廐至四十萬遂有沛艾大馬西域大宛
有來獻骨力追風毛彩照地不可名狀號木槽馬聖人舒身安神如據床
榻是知異于古馬也時主好藝韓君問生遂命悉圖其駿則有五花驄照
夜白等時岐薛申寧王廐中皆有善馬韓幹並圖之遂為古今獨步唐朝名
畫錄韓幹京兆人也天寶中召入供奉上令師陳闕畫馬帝怪其不
同因詰之奏云臣自有師陛下內廐之馬皆臣之師也上甚異之

閬州東樓筵奉送十一舅往青城縣得昏字

曾城有高樓

一作會

制古丹腹存迢迢百餘尺豁達開四

門雖有

一作會

車馬客而無人世喧遊目俯大江列筵慰

別魂是時秋冬交節往顏色昏天寒鳥獸休

一作伏

霜露

在草根今我送舅氏萬感集清樽豈伊山川間迴首

盜賊繁高賢意不暇王命久崩奔臨風欲慟哭聲出

已復吞

嚴氏溪放歌行

天下甲

晉作兵

馬未盡銷豈免溝壑常漂漂劍南歲月不

可度邊頭公卿仍獨驕

樊作何其驕

費心姑息是一役肥肉

大酒徒相要嗚呼古人已糞土獨覺志士甘漁樵况

我飄轉無定所終日慊慊忍羈旅秋宿

樊作夜

霜

一作清溪素

月高喜得與子長夜語東遊西還力實倦從此將身

更何許知子松根長茯苓遲暮有意來同煮

嚴氏溪

顏魯公離堆記閬州之東百餘里有縣曰新政新政之南數千步有山曰離堆斗入嘉陵江上嵒巖而下洄洑不與衆山相聯

屬東面有石堂焉故京兆鮮于君之所開鑿也堂有室堂北盤石之上有

九曲流杯池堂南有茅齋其壁間有詩焉皆君舅著作郎嚴從君甥殿中

侍御史嚴旉之等美君考察之所作也按嚴氏溪疑卽此地史稱閬州嚴氏子疏言鮮于叔明少孤養子于外族冒嚴姓華陽國志閬中大姓有三

狐五馬蒲趙

公卿

邊頭公卿未知所指舊注紛紛指郭英又嚴武皆說夢耳

任黃嚴也

南池

崢嶸巴閬間，所向盡山谷。安知有蒼池，萬頃浸坤軸。
呀然聞城南，枕一作控帶巴江腹。菱荷入異縣，稷稻共比
屋。皇天不無意，美利戒止足。高田失西成，此物頗豐
熟。清源多衆魚，遠岸富喬木。獨歎楓香林，春時好顏
色。南有漢王一作主祠，終朝走巫祝。歌舞散靈衣，荒哉舊
風俗。高堂一作堂亦明王，魂魄猶正直。不應空陂上，縹緲
親酒食。淫祀自古昔，非唯一川瀆。干戈浩茫茫，地僻
傷極目。平生江海志，興遭亂身局。促駐馬問漁舟，躊
躇慰羈束。

南池

寰宇記郡國志云彭道將魚池在閬州西南四〇述云川東南池
東西二里南北約五里州城西南十里郭池周約五十畝二池

與漢志注相符方輿勝覽南池在高祖廟旁東西四里南北八里漢志彭道將池在今南池也魚池在今郭池也然則此池本彭之所開

發閬中

前有毒蛇後猛虎溪行盡日無村塢江風蕭蕭雲拂地山木慘慘天欲雨女病妻憂歸意速一作急秋花錦石誰復能數別家三月一得書一作彙避地何時免愁苦

雲溪友議李太白為蜀道難乃為房杜危之也杜初作閬中行野狼當路無地遊從太白初出蜀即以行路難示賀知章而野史記嚴武與房杜相忤皆在太白已卒之後知友議非篤論也閬中水經注漢水又東南過巴郡閬中縣巴西郡縣本漢舊縣閬水迂曲經其三面縣居其中蓋取為縣名閬地志閬江迂曲三面環之曰閬中

寄韓諫議

意致標神清九歌遠調

今我不樂思岳陽身欲奮飛病在床美人娟娟隔秋水濯足洞庭望八荒鴻飛冥冥日月白青楓葉赤天

錢箋引孟陽說
良是蓋郭度德
居衡岳故愛使
議為之勸駕
玩亦松高可見

雨一作飛霜玉京羣帝集北斗。或騎騏驎翳鳳皇。芙蓉旌

旗一作旄。烟霧樂影動。倒景搖瀟湘。星宮之君醉瓊漿。羽

人稀少不在旁。似聞昨者赤松子。恐是漢代韓張良。

昔隨劉氏定長安。帷幄未收神慘傷。國家成敗吾豈

敢色難腥腐。餐風一作風香。周南留滯古所一作其惜。南極老

人應壽昌。美人胡為隔秋水。焉得置之貢玉堂。

玉京鄴侯外傳泌游衡山嵩山遇神仙桐柏真人黃門子安期先生降之

且戒之曰太上有命以國祚中危朝廷多難宜以文武之道佐佑人主功及

生靈然後可登真觀展耳自是多絕粒咽氣修谷神黃老之要玉京羣帝以

下蓋開赤松子舊書泌好談神仙說道或云常帷幄外傳肅宗延于

出則聯鑣至保定郡泌先于本院寐肅宗來入院不令人驚之登床捧泌

首置于膝久方覺泌乞游衡岳實以肅宗猜忌蜀郡功臣不獨以李輔國

之故也張子房願棄人間事從赤松子遊以避呂氏之禍泌之

心迹畧相似故以赤松張良為比又曰帷幄未收神慘傷也老人隋志

老人一星在然南一曰壽星常以秋分之旦見于丙暮分之夕沒于丁見則治
平主壽昌黃帝占老人星一名壽星色黃明大則主壽昌天下多賢士
雙曰程嘉燧曰此詩蓋為李終而作余考之是也按史及家傳必從肅宗
于靈武既立大功而伴臣李輔國害其能因表乞遊衡岳優詔許之山居
累年代宗即位累有頒賜號天柱峯中岳先生無幾徵入翰林公此詩蓋
當鄴侯隱衡山之時勸勉韓諫議欲其貢置之玉堂也安劉惟帳在立肅
之代舍必其識韓諫議舊本名法余考韓休之子法上元中為諫議大夫
有學尚風韻高雅當即其人注字蓋傳寫之誤胡三省曰據鄴侯家傳代
宗纔立即召必也須經幸陝必豈得全無一言召必亦在幸陝之
後李繁誤記耳此詩作于鄴侯未應召之日當亦是幸陝前後也

憶昔二首

憶昔先皇巡朔方千乘萬騎入咸陽陰山驕子汗血
馬長驅東園走藏鄴城反覆不足怪關中小兒壞
紀綱張后不樂上為忙至今今上猶撥亂勞身焦思
補四方我昔近侍叨奉引出兵一作整肅不可當一作為
留猛士守未央致使岐雍防西羌因國直來坐御床

百官跣足隨天王願見北地傅介子老儒不用尚書郎

東口同紇助兵討賊收復兩京安慶鄴城史思明既降復叛安慶

中小兒舊書李輔國開府馬家小兒少為驕貌陋粗知書計為僕事高

萬姓因而恣行張后舊書后寵遇專房與李輔國持權禁中干預政事

威福不懼典刑張后請謁過當帝頗不悅無如之何唐國史補肅宗五

月五日抱小公主對山人李唐子便殿顧唐曰念之勿怪唐曰

太上皇亦應思見陛下肅宗涕泣是時張氏已盛不由已矣猛士東

曰為留猛士守未央謂奪郭子儀兵柄留宿衛也代宗即位子儀自河

入朝程元振數譖之子儀請解副元帥節度使留京師廣德元年十月吐

蕃入寇上出幸陝州子儀收復京師十二月駕還長安

已身履其難少屬亂離長于軍旅即位以來勞心焦思禍猶未艾亦可以

少惜矣乃復信任程元振解子儀兵柄以召口口之禍此不亦

憶昔開元全盛日小邑猶藏萬家室稻米流脂粟米

以為當時不青
王之方謀而作
未句真有大聲
疾呼之概

印公私倉廩俱豐一作富實九州道路無豺虎一作遠行
不勞吉日出齊統魯編車班班男耕女桑不相失宜
中聖人奏雲門天下朋友皆膠漆百餘年間未災
叔孫禮樂蕭何律豈聞一絹直萬錢有田種穀今流
血洛陽宮殿燒焚盡宗廟新除狐兔穴傷心不忍問
耆舊復恐初從亂離說小臣魯鈍無所能朝廷記識
蒙祿秩周宣中興望我皇洒血一作江漢身衰疾
明皇紀開元十五年天下斷死刑五十八人幾致刑措鳥巢寺之獄上
淮功元輔封李林甫為晉國公牛仙客為麟國公柳芳唐曆開元二十八
年天下雄富京師米價斛不盈二百絹亦如之東由汴宋
西歷岐鳳夾路列店陳酒饌待客人萬里不待寸刃
冬狩行時梓州刺史李元卿
侍御史留後東川
君不見東川節度兵馬雄校獵亦似觀成功夜發猛

前年言為後
年推言其意
當為子勤走

草中狐兔二句
說時尤切

士三千人。清晨合圍。步驟同。禽獸已斃。十七八殺聲。
落日迴蒼穹。幕前生致九青兕。駝駝巖崖垂玄熊。東
西南北百里間。髣髴蹴踏寒山空。有鳥名鸛鵒。力不
能高飛。逐走蓬肉味不足登鼎俎。何為見羈虞羅中。
春蒐冬狩侯_侯得同使君五馬一馬驄。况今擢行大
將權號令。頗有前賢風。飄然時危一老翁。十年厭見
旌旗紅。喜君士卒甚整肅。為我迴轡擒西戎。草中狐
兔盡。何益天子不在咸陽宮。朝廷雖無幽王禍。得不
哀痛塵再蒙。嗚呼得不哀痛塵再蒙。

舊書嚴武傳上皇詔以劍南川合為一道是時已廢東川節度使故章以
刺史領留後事詩云東川節度則循其舊稱也時代宗幸陝詔徵天下兵
無一人應召者
故公感激言之

自平

自平宮中呂太一

一作中宮一作中宮

收珠南海千餘日近供生犀

翡翠稀復恐征戎

一作戎

干戈密蠻溪豪族小

一作山

動搖世

封刺史非時

一作常

朝蓬萊殿前

一作裏

諸主將才如伏波不

得驕

呂太一

舊書廣德元年宦官市舶使呂太一逐廣南節度使張休縱下

亂通鑑張休棄城走端州太一縱兵焚掠官軍討平之黃鶴曰老舊史當作中官呂太一師古注云拾遺有呂寧為太一宮使唐未有此官號太一

即人名也亦初不云呂寧按鶴注良是所謂拾遺者即師古輩妄撰如為蘇注之類刺史舊注太宗時溪洞蠻來歸順者皆授以刺史

不以時朝比于內諸侯姑務羈縻而已

公南川說八州素歸心于其世襲刺史

箋曰此詩言唐盛時處置蠻獯之法蠻溪豪族小動搖言其小小蠢動朝廷置之不問也世封刺史非時朝不責以時朝之禮也如此則蠻獯率得

雖有伏波之將不得生事于外也蓬萊殿前諸主將指中官掌禁軍者而言

釋悶

四海十年不解兵，因一作羊也復臨咸京。失道非關出

襄野，楊鞭忽是過國一作韋城。豺狼塞路人斷絕，烽火照

夜屍縱橫。天子亦應厭奔走，羣公固合思昇平。但恐

誅求不改轍，聞道嬖孽能一作今全生。江邊老翁錯料事，

眼暗不見風塵清。

楊鞭世說王太將軍領軍姑熟，晉明帝著戎服騎巴賈馬，鞭一陰察軍形勢，按晉書敕也。兵于湖陰，故曰湖城。吳若本注曰：晉王

敦舉兵，內向元帝微行，至于湖陰，察敕營壘，事自唐以來皆破句讀，故淵庭筠樂府有湖陰曲，金陵地名，有湖陰，張文潛云微行至于湖，句斷。

嬖孽謂代宗不能誅程元振也。

贈別賀蘭鈞

黃雀飽野粟，羣飛動荆榛。今君抱何恨，寂寞向時人。

老驥倦驤首蒼鷹愁易馴高賢世未識固合與
貧國步初返正乾坤尚風塵悲歌鬢髮白遠赴湘吳
春我戀岷下芋君思千里尊生離與死別自古鼻酸
辛

國步

謂代宗幸
陝初還也

芋

水經注江都縣溧文井江江上有常氏堤跨四十里
有朱亭亭南有青城山山上有嘉穀山下有蹲鴟

即芋也所謂下有蹲鴟至老
不饑卓氏之所以樂遠徙也

別唐十五誠因寄禮部賈侍郎

九載一相逢百年能幾何復爲萬里別送子山之阿
白鶴久同林潛魚本同河未知棲集期衰老強高歌
歌罷兩悽惻六龍忽蹉跎相視髮皓白况難駐羲和
四星墜燕地漢將仍橫戈蕭條四海內人少豺虎多

少人慎莫投多虎信所過飢有易子食獸猶畏虞羅
子負經濟才天門鬱嵯峨飄飄適東周來往若一作崩
波南宮吾故人白馬金盤陀雄筆映千古見賢心靡
一作他念子善師事歲寒守舊柯為吾謝賈公病肺卧
江沱

賈侍郎

按賈至傳賈德二
年轉禮部侍郎

星墜燕地

廣德二年史朝義
死傳首京師

閬山歌

恰是江山三四語尤勝

閬州城東靈一作山白閬州城北玉臺一作碧松淨欲盡
不盡雲江動將崩未崩石那知根無鬼神會已覺氣
與嵩華敵中原格鬪且未歸應結茅齋看一作青壁一作
著

青壁向
青壁

靈山

寰宇記仙穴山在閬中縣東北十里輿地圖云靈山峰多樛樹昔蜀王懿靈帝登此因名靈山山東南隅有玉女精練石山頂有池

常清有洞穴懸絕微有一小徑通

玉臺

輿地紀勝玉臺觀在城北七里唐滕王嘗遊之有滕王亭基

閬水歌

寫詩明秀可喜

嘉陵江色

一作

何所似石黛碧玉相因依正憐日破浪

花

二云

出更復春從沙際歸巴童蕩槳欹側過水雞銜

魚來去飛閬中勝事可腸斷閬州城南天下稀

嘉陵

水經注漢水又南逕閬中縣東閬水出閬陽縣而東逕其縣南又東注漢水寰宇記嘉陵水又名西漢水又各閬中水周地圖云水

源出秦州嘉陵因名嘉陵經閬中即閬中水亦曰閬江又曰渝水

閬中

閬中山其山四合于郡故曰閬中名山志云閬中山多仙聖游

集焉方輿勝覽亦名錦屏山在城南三里馮忠恕記云閬之為郡當梁洋梓益之衝有五城十二樓之勝概

三絕句

前

一作

年渝州殺刺史今年開州殺刺史羣盜相隨劇

虎狼食人更肯留妻子

渝州殺刺史鮑欽止謂段子璋子璋反梓州襲綿陷劔于渝無與也師古云吳璘殺渝州刺史劉卞杜鴻漸討平之翟封殺開州刺史蕭崇之楊子琳討平之黃鶴云事在大曆元年與三年考杜鴻漸傳無討平吳璘事大曆三年楊子琳攻成都爲崔寧妾任氏所敗何從討平開州天寶亂後蜀中山賊寨路渝開之亂史不及書而杜詩載之師古妄人因杜詩而曲爲之說并吳璘等姓名皆師古僞撰以欺人也注杜者之可恨如此

二十一家同入蜀唯殘一人出駱谷自說二女齧臂時迴頭却向秦雲哭

駱谷

寰宇記駱谷道漢魏舊道也南通蜀漢曹爽伐蜀入駱谷三百餘里不得前牛馬驢騾以轉運死者盡矣維出駱谷軍于長城卽此

谷道也此道廢塞武德七年復開東北自鄠縣界西南經藍屋縣又西南入駱谷出駱谷入洋州與勢縣界

殿前兵馬雖驍雄縱暴畧與羌渾同聞道殺人漢水上婦女多在官軍中

草堂

只是身之所歷
而時事俱見
為詩史

說得沉痛

昔我去草堂初蠻夷塞成都今我歸草堂一作成都虞請陳初亂時反覆乃須臾一作斯須大將赴朝廷一作起小起
異圖中宵斬白馬盟歆氣已麤西取邛南兵北斷劍
閣隅布衣數十人亦擁專城居其勢不兩大始聞蒞
漢殊西卒却倒戈賊臣互相誅焉知肘腋禍自及梟
鏡徒義士皆痛憤紀綱亂相踰一國實三公萬人欲
為魚唱和作威福孰肯一作能辨無辜眼前列枉械背後
吹笙竽談笑行殺戮一作流血滿長衢到今用鉞地風
雨聞號呼鬼一作人妾與鬼馬色悲充爾娛國家法令在
此又足驚野賤子且奔走三年望東吳弧矢暗江海
難為遊五湖不忍竟舍此復來雍榛蕪入門四松在

古致從古樂
府未

結語非甚

杜集卷五

步屣

一作

萬竹疎

舊犬

喜我

歸低

個入

衣

舊作

福鄰

舍喜

我歸

沽酒

携

園

蘆

一云提

大官

喜

一作

我來

遣騎

問所

須

城郭

喜

一作

我來

賓客

隘

一作

村墟

天下

尚未

寧健

兒勝

腐儒

飄飄

一作

風塵

際何

地置

一作

老夫

於時

見

一作

疣贅

骨髓

幸未

枯飲

啄

塊

殘生

食薇

不敢

餘

賈應元年四月嚴武入朝七月劍南西川節度使徐知道反八月伏誅公携家避亂往梓州廣德二年武鎮劍南公復還成都草堂此詩云大將赴朝廷羣小起異圖謂武入朝而知道反也北斷劍閣謂知道以兵守要害武不得出也賊臣互相誅謂知道為其下李忠厚所殺也平殊渠權道輩以為永泰元年避崔旰之亂而吳若木于布衣專城之下注云即楊子琳柏貞節之徒是時嚴武已沒公下峽適楚何常復歸草堂哉注家唯黃鶴能辨之

鬼妾

趙云鬼妾鬼馬如例奴以亡者之妻為鬼妻也

四松

四松初移時

大抵三尺強

別來忽三載

一作

離立如人

長會看根不拔。莫計枝凋傷。幽色幸一作會秀發。疎柯亦

一作已昂藏。所插小藩籬。本亦有隄防。終然振一作更撥。損得

恹一作愧。千葉黃。敢爲故林主。黎庶猶未康。避賊今始歸。

春草滿空堂。覽物歎衰謝。及茲慰淒涼。清風爲我起。

洒面若微霜。足以送老姿。一作足爲聊待一作將偃蓋張。我生

無根帶。一作帶配一作改。亦茫茫。有情且賦詩。事迹可兩一作可

忘。勿矜千載後。慘澹蟠穹蒼。

水檻

蒼江多風颭。雲雨晝夜飛。茅軒駕巨浪。焉得不低垂。

遊子久在外。門戶無人持。高岸尚如一作爲谷。何傷浮柱

欹。扶顛有勸誡。恐貽識者嗤。旣殊大厦傾。可以一木

支臨川視萬里何必欄檻爲人生感故物慷慨有餘悲

浮柱

西京賦時遊極于浮柱注三輔各梁爲極作遊梁置浮柱上

破船

平生江海心宿昔具扁舟豈惟青溪上日傍柴門遊
蒼皇避亂兵緬邈懷舊丘鄰人亦已非野竹獨脩脩
舫舫不重扣埋沒已經秋仰看西飛翼下愧東逝流
故者或可掘新者亦易求所悲數奔竄白屋難久留

營屋

我有陰江作中語得之精神能令朱夏寒陰通積水內高入浮雲端
甚一作疑鬼物憑不顧剪伐殘東偏若面勢戶牖永可

安愛惜已六載。茲晨去千竿。蕭蕭見白日。洶洶開金
湍。度堂匪華麗。養拙異考察。草茅雖難薶。衰疾方少
寬。洗然順所適。此足代加餐。寂無斤斧響。庶遂憇息
歡。

若面勢

詳于注
若順也

除草

吳若本注去蕪草
也。蕪音潛山莊

草有害于人。曾何生阻修。朱除之先其毒甚蜂蠆。其多彌道周。
清晨步前林。江色未散憂。芒刺在我眼。焉能待高秋。
霜露一作雪一霑凝。一作衣蕪葉亦難留。荷鋤先童稚。日入仍
討求。一作後轉致水中央。豈無雙釣舟。頑根易滋蔓。敢使依
舊丘。自茲一作後落籬曠。更覺松竹幽。芟園不可闕。疾惡

信如讎

釣舟

晏曰周禮雜氏掌殺草若欲其化則以水大變之以釣舟載而致之水此水化也

揚旗

二年夏六月成都尹嚴公置酒公堂觀騎士試新旗幟

江

一作風

雨颯長夏府中有餘清我公會賓客肅肅有異

聲初筵閱軍裝羅列照廣庭庭空六

一作四

馬入駛賊揚

旗

一作旛

旛迴迴偃飛蓋熠熠迸流星來纏

一作街

風颭急去

擘山岳傾林歸俯身盡妙取畧地平虹霓就掌握舒

卷隨人輕三州陷因國但見西嶺青公來練猛士欲

奪天邊城此堂不易升庸蜀日已寧吾徒且加餐休

適蠻與荆

三州

柳芳唐曆廣德元年糧運絕劍南節度高適不能軍吐蕃陷松維保三州

諷諭
意為嚴公

○太子張舍人遺繡成襪段細事却寫出段大議論
客從西北來遺我翠一作細繡成開緇風濤湧中有掉尾
鯨逶迤羅水族一作走高枕形神清領客珍重意願我非
榮空堂魑魅一作魑公卿留之懼不祥施之混柴荆一作飾定尊卑大哉萬
古程今我一賤老一作短禍更無營煌煌珠宮物寢處
禍所嬰一作繁歎息當路子干戈尚縱橫掌握有權柄衣
馬自一作已肥輕李鼎死岐陽實以驕貴盈來瑱賜自盡
氣豪直一作與阻兵皆聞黃金多坐見悔吝生奈何田舍
翁受此厚貺情錦鯨卷還客始覺心和平振我麤席
塵媿客茹一作藜羹皆聞一

織成

廣雅天竺出細絛成宋書禮志諸織成衣帽錦帳純金銀器雲母從廣一寸以上者皆為禁物

李鼎

上元元年以羽林大

將軍李鼎為鳳翔尹興鳳隴等州節度使二年二月党項平羌寇寶雞入散關陷鳳州鳳翔李鼎邀擊之六月以鼎為鄠州刺史隴右節度

瑱

來瑱為襄陽節度使代宗潛令裴茂圖之瑱擒茂于申江入朝謝罪廣德元年正月貶播州尉翌日賜死于郾縣

箋曰史稱嚴武累年在蜀肆志逞欲恣行猛政窮極奢虐賞賜無度公在武幕下此詩特借以諷諭朋友責善之道也不然辭一織成之遺而後談殺身自盡之禍不疾而吼豈詩人之意乎草堂詩箋次子廣德二年在嚴鄭公幕中之作當從之

莫相疑行

男兒生無所成頭皓白

樊作男兒一生無成頭皓白

牙齒欲落真可惜

憶獻三賦蓬萊宮自怪一日聲輝

一作燿一作短

赫集賢學士

如堵牆觀我落筆中書堂

文粹晚將末

當面輸

饑寒趨路旁晚將末契託年少

文粹晚將末

當面輸

背面笑寄謝悠悠世上兒

一作莫

爭好惡莫相疑

背面笑寄謝悠悠世上兒

未契

陸機歎逝賦託未契于後生余將老而爲客

別蔡十四著作

賈生慟哭後寥落無其人安知蔡夫子高義邁等倫
獻書謁皇帝志已清風塵流涕灑丹極萬乘爲酸辛
天地則創痍朝廷當一作多正臣異才復間出周道日惟
新使蜀見知己別顏始一伸主人薨城府扶輿歸咸
秦巴道此相逢會我病江濱憶念鳳翔都聚散俄十
春我衰不足道但願子意一作音陳稍令社稷安白契魚
水親我雖消渴甚敢忘帝力勤尚思未朽骨復覩耕
桑民積水駕三峽浮龍倚長津二云揚舲洪濟聞仗子
濟物身鞍馬下秦塞王城通北辰玄甲聚不散兵久

食恐貧窮谷無粟帛使者來相因若憑云南轅東一作書札到天垠

主人

趙云指郭英父稱云指嚴武爲是蓋英父單騎奔簡州爲晉州刺史韓澄所殺不當云堯城府也

杜工部集卷之五

錢曾遵王氏校

杜工部集卷之六

虞山蒙叟錢

謙益

箋

古詩五十三首

居雲安及
王夔州作

杜鵑

西川有杜鵑。東川無杜鵑。涪萬無杜鵑。雲安有杜鵑。
我昔遊錦城。結廬錦水邊。有竹一頃餘。喬木上參天。
杜鵑暮春至。哀哀叫其間。我見常再拜。重是古帝魂。
生子百鳥巢。百鳥不敢噉。一作仍爲餒其子。禮若奉至尊。
鴻鴈及羔羊。有禮太古前。行飛與跪乳。識序如一作知恩。
聖賢古一作法則付與一作後世傳。君看禽鳥情。猶解事杜鵑。
今忽暮春間。值我病經年。身病不能拜。淚

下如逆泉

題下舊注云時明皇在蜀憂慶陳浩然本無此七字當

從陳本此詩大曆元年公在雲安作明皇晏駕久矣

夏竦曰詩前四句乃序耳以叶韻誤以為詩本題下用自注耳王直方曰此

與古詩語無異豈復以韵為限耶黃希曰白頭吟詞云郭東亦有樵郭西亦

有樵此詩前四句或本此吳曾漫錄曰樂府江南古詞魚戲蓮

葉間魚戲蓮葉西魚戲蓮葉南魚戲蓮葉北子美正用此格

寄巢

博物志杜鵑生子寄巢

鴻鴈

羊祜鴈賦鳴則相和行則接武前不絕貫後不越序

羔羊

春秋繁露

羔飲其母必跪

頌知禮者也

箋曰東坡外集載辨王諱伯論杜鵑云子美蓋謾當時之刺史有不禽鳥若

也嚴武在蜀雖橫欲刻薄而實資中原是西川有杜鵑其不度王命擅軍旅

絕貢賦以自固如杜克遜在梓州是東川無杜鵑耳浩萬雲安刺史微不可

考其尊君者為有懷貳者為無不在夫杜鵑真有無也按杜克遜事新舊兩

書俱無可考嚴武在東川之後節制東川者李奐張獻誠也其以梓州反者

段子璋也梓州刺史見杜集者有李梓州楊梓州章梓州未聞有杜也既曰

譏當時之刺史不應以嚴武並列也逆節之臣前有段子璋後有崔旰楊子

琳不當舍之而刺浩萬之刺史微不可考者也所謂杜克遜者既不見史傳

則亦子虛無是之流出後人偽撰耳其文義外錯斷信必非東坡之言世所

傳志林諸書多出妄庸人假托如偽蘇注之類而無識者誤編之集中也黃

韓本載舊本題注云上皇幸蜀還唐宗用李輔國謀避之西內
上皇挹怙而謝此詩蓋是而作詳味此詩仍當以舊注爲是

客居

客居所居堂前江後山根下
塹萬尋岸蒼濤鬱飛翻
葱青衆木梢邪壁雜石痕
子規晝夜啼壯士歛精魂
峽開四千里水合數百源
人虎相半居相傷終兩存
蜀麻久不來吳鹽擁荆門
西南失大將商旅自星奔
今又降元戎已聞動行軒
舟子候利涉亦憑節制尊
我在路中央生理不得論
卧愁病脚廢徐步視小園
短畦帶碧草悵望思玉孫
鳳隨其皇去雛雀暮喧繁
覽物想故國十年別荒村
日暮歸幾翼北林空自昏
安得覆八溟爲君洗乾坤
稷契易爲力因國何足存

儒生老無成臣子憂四番

車堂本作四番直州作長思題

篋中有舊筆

情至時復援

峽開

荆州記巫峽首尾一百六十里書云自三峽取蜀數千里恒是一山此蓋好大之言也惟三峽七百里中兩岸連山略無闕處梁簡文帝

道難詩峽山七百里巴水三回曲公所謂峽開四千里蓋統論江山之大勢非專指言峽山也

大將

永泰元年閏十月郭英又為崔旰所殺

中大亂大曆元年二月以杜鴻漸為山南西道劍南東西川副元帥

客堂

憶昨離少城而今異楚蜀舍舟復深山宵窈一林麓

棲泊雲安縣消中內相毒舊疾甘載

一作載一作再

來衰年得

無足

一作得弱足一作弱無足

成爲殊方鬼頭白免短促老馬終望雲

南鴈意在北別家長兒女欲起慚筋力客堂叙節改

具物對羈束石暄蕨芽紫渚秀蘆笋綠巴鷺

一作鷺

紛未

稀微麥早向熟悠悠日動江漠漠春辭木臺郎選才
俊自顧亦已極前輩聲名人埋沒何所得居然綰章
綬受性本幽獨平生愁息地必種數竿竹事業只濁
醪營葺但草屋上公有記者累奏資薄祿主憂豈濟
時身遠彌曠職循修文廟算正獻可天衢直尚想超
朝廷毫髮裨社稷形骸今若是進退委行色

石硯詩

平侍
御者

平公今詩伯秀發吾所羨奉使三峽中長嘯得石硯
巨璞禹鑿餘異狀君獨見其滑乃波濤其光或雷電
聯均各盡墨多水遞隱現揮灑容數人十手可對面
比公頭上冠貞質未爲賤當公賦佳句况得終清宴

公舍起草姿不遠明光殿致于丹青地知汝隨顧盼

水閣朝霽奉簡嚴雲安

一作雲安
嚴明府

東城抱春岑江閣鄰石面崔嵬晨雲白朝旭

一作日

射芳

甸雨檻臥花叢風床展書卷

一作展
輕慢

鈎簾宿鷺起九藥

流鶯囀呼婢取酒壺續兒誦文選晚交嚴明府矧此

數相見

贈鄭十八賁

溫溫士君子令我懷抱盡靈芝冠衆芳安得闕親近
遭亂意不歸竄身跡非隱細人尚姑息吾子色愈謹
高懷見物理識者安肯哂卑飛欲何待捷徑應未忍
示我百篇文詩家一標準羈離交屈宋牢落值顏閔

水陸逃畏一作長途藥餌駐修軫古人日以達青史字不
泥步趾詠唐虞追隨飯葵藿歎盃資好事異味煩縣
尹心雖在朝謁力與願矛盾抱病排金門衰容豈爲
敏

三韻三篇

高馬勿唾一作樣面長魚無損鱗辱馬馬毛焦困魚魚有

神君看磊落士不肯易其身

蕩蕩萬斛船影若揚白虹一作揚起檣必椎牛挂席集衆

功自非風動天莫置大水中

烈一作列士惡多門小人自同調名利苟可取殺身傍權

要何當官曹清爾輩堪一笑

鶴曰此詩刺廣德永泰間朝士之趨附元載魚朝恩者

青絲

青絲白馬誰家子，麤豪且逐風塵起。不聞漢主放妃嬪，近靜潼關掃蜂蟻。殿前兵馬破汝時，十月卽爲蠶粉期。未如一作知面縛歸金闕，萬一皇恩下玉墀。

青絲

鶴曰此詩言僕固懷恩之亂是也。廣德二年二月懷恩謀取太原，其子瑒進圍榆次。十月懷恩與回紇吐蕃進逼奉天。永泰元年九月又

誘回紇吐蕃吐谷渾党項奴刺俱入寇，是時懷恩乘吐蕃人犯之後，阻兵犯順。故曰麤豪且逐風塵起也。上初遣裴遵慶詣懷恩，諷令入朝，又下詔稱其勲勞，許以但當詣闕，更勿有疑。而懷恩皆不從。故曰不如面縛歸金闕萬一皇恩下玉墀也。妃嬪，黃道跋崇徽公主手石懷恩以猜嫌入回紇，沒其家，入後宮。大曆四年以其女爲崇徽公主嫁回紇。可汗故云不聞漢主放妃嬪。言懷恩獨不爲妻孥計，意亦隱刺代宗也。舊注引肅宗放宮人事，非是。唐史潼關高驪引吐蕃入長安，郭子儀復長安云：養其女于宮中，亦非實錄。擒而殺之，故曰近靜潼關。掃蜂蟻以高驪比懷恩也。殿前，鶴曰殿前兵馬卽神策軍也。兵志：廣德元年掃蜂蟻以高驪比懷恩也。殿前，年代宗避吐蕃幸陝，朝恩舉在陝兵與神

策軍迎扈慈辦神策軍京師平朝恩遂以軍歸禁中自將之永泰元年吐蕃復入寇朝恩遂以神策軍屯禁中自是寢盛分爲左右廂居北軍之右宗任用中人致功臣疑叛又專倚中人領禁軍以平禍亂此詩雖爲懷恩而作亦以刺代宗也

近聞

近聞因國遠遁逃牧馬不敢侵臨洮渭水逶迤白日淨隴山蕭瑟秋雲高崆峒五原亦無事北庭數有關中使似聞贊普更求親舅甥和好應難棄

近聞

永泰元年子儀與回紇定約請擊吐蕃爲効上停親征京師解嚴是年僕固名臣及党項帥皆來降大年二月命楊濟修好于吐蕃吐蕃

遣首領論泣欽陵來朝此詩蓋記其事也

五原

後漢郡國志五原郡秦置爲九原武帝更名徐廣曰陰山在河南陽山在河北史記曰蒙恬築

長城臨洮延袤萬里餘度河據陽山寰宇記唐改爲鹽州領五原縣以其地勢有五原舊有五原關因爲郡邑之稱五原龍遊原乞地于原青嶺原尙嵐

貢原橫

贊普

吐蕃傳其國人號其王爲贊普相爲大論小論

蠶穀行

句法失差得
好更見古致

天下郡國向萬城無有一城無甲兵焉得鑄甲作農
器一寸荒田牛得耕牛盡耕一有蠶亦成不勞烈士淚
滂沱男穀女絲行復歌

無有一城無甲兵言天下皆用兵也鍾
必欲舉其年某事以實之可謂固矣

折檻行

嗚呼房魏不復見秦王學士時難美青衿胄子困泥
塗白馬將軍若雷電千載少似朱雲人至今折檻空
嶙峋婁公不語宋公語尚憶先皇容直臣

折檻

容齋續筆至今宮殿正中一間橫檻獨不
施欄楯謂之折檻蓋自漢以來相傳如此

房魏

吳若本注云房
故秦府學士魏公

佐建成非十

婁宋

婁師德縣最寬厚雖參知政事深懷畏避竟能以功名
終杜祭房相文云羣公間出魏趙婁宋亦併二公稱之

八人之列
箋曰永泰元年命左僕射裴冕右僕射郭英又等文武之臣十三人于集賢
殿待制獨孤及上疏以為雖容其直而不錄其言故曰秦王學士時難美歎

集賢待制之臣不及秦主學士之時也大年國子監釋奠魚朝恩率六軍諸將往聽講子弟皆服朱紫為諸生遂以朝恩判國子監事故曰青衿胄子出泥塗白馬將軍若雷電也當時大臣鉗口飽食效師德之畏遠而不能繼宋璟之忠謹故以折檻為諷言集賢諸臣自無宋魏輩爾未可謂朝廷不能容直臣如先皇也

引水

月峽瞿塘雲作頂亂石崢嶸俗無井雲安沽水奴僕悲魚復移居心力省白帝城西萬竹蟠接筒引水喉不乾人生留滯生理難斗水何直百憂寬

月峽

寰宇記三峽謂巫峽巴峽明月峽惟明月峽在利州綿谷縣界又云明月峽在渝州巴縣東八十里華陽國志巴郡江州縣有明月峽即此李膺益州記廣陽州東七里水南有遮婆三捷石各東二里至瞿塘水

明月峽峽首南岸壁高四十丈其壁有圓孔形若滿月因以為名瞿塘水

注江水又東逕廣溪峽斯乃三峽之首也峽中有瞿塘黃龕二灘夏水迴復所忌雲安

寰宇記本漢胸臆縣地屬巴郡唐屬夔州上水去州二百里水經注常璩曰府縣在巴東郡西二百九十里縣治故城跨其山阪南臨大江之南岸有方山山形方峭枕側江濱沽水

陽

雜俎雲安井自大江所別孤凡三十里近井十五里漸清知鏡所樹無虞近
江十五里皆瘴石險惡難于涉游天師羅乾祐于漢城山上結壇考召迫命
基龍諭以難渡之險使皆平之一夕之間風雷震擊十四里盡為平潭惟一
灘仍舊龍亦不至乾祐復嚴勅神吏追之又三日一女子至曰某所以不來
者欲助天師廣濟物之功耳雲安之貧民自江口負財貨至近井潭以給衣
食者聚矣今若輕舟利涉平江無虞即貧民無備負之所絕衣食之路余寧
險難渡以勝備負不能利舟楫以安富商也乾祐
善其言使諸龍皆復其故風雷頃刻而長灘如舊
魚復水經注江水又東
故魚國也地理志江陽都尉治公孫述名之為白帝

古柏行

以正本寫梓梁之意六星等字素想只為孔明廟中有古柏

孔明廟前

一作增

有老柏柯如青銅根如石霜

一作蒼

皮溜雨

一作

四十圍黛色參天二千尺

一作

君臣已與時際會樹木

一作

猶為人愛惜雲來氣接巫峽長明出寒通雪山白憶

昨路遶錦亭

一作城

東先主武侯同閔宮崔嵬枝幹郊原

古窈窕丹青戶牖空落落盤踞難得地冥冥孤高多

先主武侯句正
從君正除余

烈風扶持自是神明力正直原因造化功大厦如傾

要梁棟萬牛迴首丘山重不露文章世已驚未辭剪

伐誰能送苦心豈免客蟻蟻香一作葉終宿驚一作經

鳳志士幽人莫怨嗟一作傷古來材大難為用一作皆

老柏范蜀公東齋紀事武侯廟柏其色蒼牙然白而光澤尚復生枝葉今

纔十大許工部詩石龕于廟堂中舊注范蜀公謂廟柏纔七丈杜云

二千尺為過沈存中云蒼皮四十圍乃是七尺徑而長二百丈無乃太細長

平黃朝英云以古制論之四十圍當有百二十尺圍有百二十尺即徑四十

尺安得云七尺也若以一圍為一小尺即徑一丈三尺三十寸亦不得云七尺

存中之言誤矣遷齋開覽云詩意其華色蒼然仰視高遠有至二千尺而幾

于參天也沈內翰云云論詩者正不應爾段文昌諸葛廟古柏文武侯

祠前柏壽于殿盤根據文勢如蛇形合抱在于旁枝百尋及于半身

閔宮

宸宇記先主祠在成都府入里惠陵東西七十步武侯祠在先主廟西成

記諸葛公廟在先主廟東宅城西後主墳像先主廟西院即武侯廟前有雙

文柏古柏可愛陸游集云予在成都屢至昭烈惠陵此柏在陵旁廟中忠武

室之南所謂先主武侯祠各別此詩專咏夔州廟

主廟夔州則先主廟武侯廟各別此詩專咏夔州廟

柏所謂武侯祠堂不可忘中有松柏參天長是也

縛雞行

小奴縛雞向市賣雞被縛急相喧爭家中歎雞食蟲
蟻不知雞賣還遭烹蟲雞于人何厚薄吾叱奴人解
其縛雞蟲得失無下時注目寒江倚山閣

負薪行

二詩寫中風俗男女用昭名至余反照見感慨

夔州處女髮半華四五十無夫家更遭喪亂嫁不

售一生抱恨堪一作長咨嗟土風坐男使女立應一作男當門

戶一作門女出入十猶一作有八九負薪歸賣薪得錢應一作當

供給至老雙鬢一作只垂頸野花山葉銀釵竝筋力登

危集市門死生射利兼鹽井面粧首飾雜啼痕地褊

衣寒困石根若道巫山女麤醜何得此一作北有昭君村

此
只為有一結見
風土之氣俗與
各不同

與前相配
有意如此

鹽井

荊州圖訓云八陣圖下東西三里有一磧磧上有鹽泉井五口以木為桶背常鹽即時沙盡冬出夏沒

昭君村

應劭曰王嬙王

氏女名嬙字昭君文穎曰本南郡秭歸人也哀字記歸州興山縣有王昭君宅王嬙即此邑人也故曰昭君之縣村建巫城是此邑香溪在邑界即昭君所遊方輿勝覽州東北四十里有昭君村

最能行

峽中丈夫絕輕死。少在公門多在水。富豪有錢駕大

舸。貧窮取給行艤子。小兒學問止論語。大兒結束隨

商旅。欹帆側柁入波濤。撇漩捎濺無險阻。朝發白帝

暮江陵。頃來日擊信有徵。瞿塘漫天虎鬚_{一作}怒。歸州

長年行_{一作}最能。此鄉之人氣_{一作}量窄。悞競南風疎北

客。若道土_{一作}無英俊。才何得山有屈原宅。

大舸

方言南楚荆湘凡船之大者謂之舸

舸子

杜田補注小舟名音葉言輕如小葉也切韻玉篇並不載勝字吳曾漫錄曰王智

漢宋記曰司空劉休範舉兵潛作艦隊則艦字不為無所本也

撒漩捎漬 江賦漩環榮濊澠澠漬濊善注皆波浪回旋漬湧而起之貌也舊注撒拂也與擊同捎

白帝江陵 水經注自三峽七百里中兩岸連山略無闕處重巒疊嶂隱天蔽日自非亭午夜分不見日月至于夏水襄陵沿沂阻絕王命急宣有時

鬚 水經注江水又逕虎鬚灘水廣此鄉水經注袁崧曰歸鄉山秀大夏蘭行族又東逕羊腸虎鬚灘

屈原宅 水經注秭歸縣故歸鄉地理志云歸子國也樂緯曰昔歸亦隨屈原宅典叶聲律宋忠曰歸即夔歸鄉蓋護鄉矣袁崧曰屈原

有賢姊開原放逐亦來歸驗今自寬全鄉人冀其是從因名曰姊歸縣東北四十里有屈原舊田宅雖畦壤廢漫術保屈田之稱也縣北一百六十里有

屈原故宅累石為屋基名其地曰樂平里宅之東北六十里有女嬃廟櫛衣石猶存故宜都記曰秭歸蓋楚子熊繹之始國而屈原之鄉里也屈原宅于

今具存指謂此也荆州圖記秭歸縣有屈原故宅方七頃累石為屋今地名樂平里

寄裴施州

廊廟之具裴施州宿昔一逢無此一作此流金鐘大鏞在

東序冰壺玉衡英華作新懸清秋自從相遇感晉作多病三歲

為客寬邊愁。堯有四岳明至理。漢二千石真分憂。幾

度寄書白鹽北。苦寒贈我青羔一作絲裘。霜雪迴光避錦

袖。龍蛇刊作蛟龍動。篋蟠銀鈎。紫衣使者辭一作辭復命。再拜抄

人謝佳政。將老已失子孫憂。後來況接才華盛。英華此句下有

通憶書樓碧池映七字

裴施州

裴冕寶應元年以右僕射充山陵使坐附李輔國貶施州刺史數月移澧州大曆中復徵為左僕射元載撰裴冕碑云以直遇坎

攸鑿口者二大曆四年冬詔復入相薨于長安按裴自施召還當在大曆二

年之間二年二月史已載左僕射裴冕置宴于子儀之第碑但記其入相之年也史稱自施移澧碑不詳其後先以公詩考之冕蓋久于施州當是自澧移施也史于移官先後如高適彭蜀嚴武已綿之類毋多錯誤皆當據公詩

考正

之

鄭典設自施州歸

吾憐榮陽秀。冒暑初有適。名賢慎所出。一作出處不肯妄行

役旅茲殊俗遠

一作遷

竟以屢空迫南謁裴施州氣合無

險僻攀援懸根本登頓入天

草堂陳浩然並作矢

石青山自一川城

郭洗憂憾聽子話此邦令我心悅懌其俗則

一作革

純朴

不知有主客溫溫諸侯門禮亦如古昔勅厨倍常羞

杯盤頗狼籍時雖屬喪亂事貴賞

一作賞

匹敵中宵慙良

會裴鄭非遠戚羣書一萬卷博涉供務隙他日辱銀

鈎森疎見矛戟倒屣喜旋歸畫地求

一作來

所歷乃聞風

土質又重田疇開刺史似寇恂列郡宜競惜

一作音

北

風吹瘴癘羸老思散策渚拂蒹葭塞

一作寒

嶠穿蘿蔦羃

此身仗兒僕高興潛有激孟冬方首路強飯取崖壁

歎爾疲駑駘汗溝血不赤終然憐外飾鶴馭何所益

我有平肩輿。前途猶準的。翩翩入鳥道。庶脫蹉跌厄。

施州

元和郡國志春秋巴國之界漢爲巫縣之境巫縣今夔州巫山縣也後周置施州隋改爲清江縣後東南蠻傳注今施州清江縣水一名

鹽水源出清江縣西都亭山水經注鹽水卽俱山清江也勅厨

傳書見後及營珍饈每會賓友滋味

品數坐客有殊于名者

柴門

孤

一作

舟登瀛西迴首望兩崖。東城乾旱天其氣如焚。

柴長影沒窈窕餘光散哈呀。

大江蟠戢棧歸海成一。

家下衝割坤軸竦壁攢鏌鉞。

蕭颯灑秋色氛一作氣昏霾。

日車峽

一作

門自此始最窄容浮查禹功翊造化疏鑿。

就欹斜巨渠決太古衆水爲長蛇。

風煙渺吳蜀舟楫。

通鹽麻我今遠遊子飄轉混泥沙萬物附本性約一作云

身一作不願一作奢茅棟蓋一床清池有餘花濁醪與脫

粟在眼無吝嗟山荒人民少地僻日夕佳貧病一作固

其常富貴任生涯老于干戈際宅幸蓬華遮石亂上

雲氣杉清一作延月一作華賞妍又分外理愜夫何諫足

了垂白年敢居高士差書此豁平昔迴首猶暮霞

灤西

水經注白帝山城東傍灤溪即以為隍寰宇記夔州大昌縣西有干頃池水分三道一道南流為奉節縣西灤水方輿勝覽白帝城周移

治永安官南

峽門

峽程記灤合遂蜀皆峽之郡自歸江結枳池道等江至即灤西也此凡二百八十里會于坂前大荆門都四百五十里

之三峽者即明月峽巫山峽廣澤峽其有隄地澗瀝燕于屏風之類皆不與三峽之數

貽華陽柳少府

繫馬喬木間問人野寺門柳侯披衣笑一作見我顏色

溫竝坐石下堂一作下一作俛視大江奔火雲洗月露絕

壁上朝曦自非曉相訪觸熱生病根南方六七月出
入異中原老少多暍死汗踰水漿翻俊才得之子筋
力不辭煩指揮當世事語及戎馬存涕淚一云流涕我裳
悲氣排帝闈鬱陶抱長策義仗知者論吾衰臥江漢
但媿識璵璠文章一小技於道未爲尊起子幸斑白
因是託子孫俱客古信州結廬依毀垣相去四五里
徑微山葉繁時危挹佳士况免軍旅喧醉從趙女舞
歌鼓秦人盆子壯顧我傷我驩兼淚痕餘生如過鳥
故里今空村

古信州

寰宇記夔州春秋時爲夔子國漢爲魚復公孫述爲白帝屬爲永安景大同三年立信州武德二年改夔州

雷

大旱山岳焦密雲復無雨

一云覆如雨

南方瘴癘地罹此農

事苦封內必舞雩峽中喧擊鼓真龍竟寂寞土梗空

俯僕吁嗟公私病稅歛缺不補故老仰面啼瘡痍向

誰數暴殄或前聞鞭巫非稽古請先偃甲兵處分聽

人主萬邦但各業一物休盡取水旱其數然

一云數至然

堯

湯免親覩上天鑠金石羣盜亂豺虎二者存一端愆

陽不猶愈昨宵殷其雷風過齊萬弩復吹霾翳散虛

覺神靈聚氣喝腸胃融汗滋衣裳汚

一云腐

吾衰尤拙計

一云計拙

失望築場圃

火

楚山經月火大旱則斯舉舊俗燒蛟

一作蛟

龍驚惶致雷

雨爆嵌魑魅泣崩凍嵐陰昞羅落沸百泓根源皆萬

一作木古青林一灰燼雲氣無處所入夜殊赫然新秋照

牛女風吹巨焰作河掉一作騰煙柱勢欲焚崑崙光

彌歊洲渚腥至焦長蛇聲吼一作云纏猛虎神物已高飛

不一作只見石與土爾寧要謗譴憑此近熒侮薄關長吏

憂甚昧至精主遠遷誰撲滅將恐及環堵流汗臥江

亭更深氣如縷

昞廣韻文彩狀又明也舊注謂近案之處亦為火所崩迫故嵐陰亦著曜也按西京賦漸臺立于中央赫昞昞以弘敞善注碑答曰昞赤文也音

戶火之焚山東崩而雲氣高唐賦風止雨河掉漢皋詩話河掉應

處陰皆赤其義自明七月三日亭午已後較熱退晚加小涼穩睡有

詩因論壯年樂事戲呈元二十一曹長

今茲商用事餘熱亦已末衰年旅炎方生意從此活
亭午戒汗流北鄰耐人聒晚風爽烏匿筋力蘇摧折
閉目踰十旬大江不止渴退藏恨雨師健步聞一作供旱
甌園蔬抱金玉無以供採掇密雲雖聚散徂暑終一作經
衰歇前聖脊焚巫武王親救暵陰陽相主客時序遞
迴幹灑落唯清秋昏霾一空濶蕭蕭紫塞鴈南向欲
行列歎思紅顏日霜露凍堦闔駟馬挾彫弓鳴弦不
虛發長鉞逐一作及狡兔窵羽當滿月惆悵白頭吟蕭條
游俠窟臨軒望山閣縹緲安可越高人煉丹砂未念
將朽骨少壯跡頗疎歡樂曾倏忽杖藜風塵際老醜
難翦拂吾子得神仙本是池中物賤夫美一睡煩促

嬰詞筆

烏匱

吳若本注匱武擬古皮弁義緣帛以為帽以色列貴賤皆咸和中制尚書八座丞郎門下三省皆白帽二官真官烏紗帽作恰字書無

匱字

早魁

神異經南方有人長二三尺走音恰行如風名曰魁注曰俗曰早魁

救渴

帝王世紀武王自孟津還及于周見賜人王自

左擁右扇之淮南子武王

蔭賜人于柳下而天下懷

牽牛織女

牽牛出河西織女處其東萬古永相望七夕誰見同

神光

一作仙

意

一作意

難候此事終蒙朧颯然精靈合何必秋

遂通

亭亭新粧立龍駕具曾空

一作穹

世人亦為爾祈請

走兒童稱家隨豐儉白屋達公宮膳夫翊堂殿鳴玉

淒房櫳曝衣遍天下曳月揚微風蛛絲小人態曲綴

一作

瓜果中初筵瀼重露日出甘所終

一作從

嗟汝未嫁女

秉心鬱忡忡、防身動如律、竭力機杼中、雖無姑舅事、
敢昧織作功、明明君臣契、咫尺或未容、義無棄禮法、
恩始夫婦恭、小大有佳期、戒之在至公、方圓苟齟齬、
丈夫多英雄、一云勿替丈夫雄

神光

周處風土記七月七日其夜洒掃于庭露施几筵設酒脯時果散香粉于河鼓織女言此二星神當會守夜者咸懷私願或云見天漢中

有奕奕正白氣光耀五色以此為徵應

鳴玉

吳若本注晉書康傳鳴玉殿省

曝衣

宋卜子楊園苑疏太液池西有武帝曝衣閣至

七月七日宮女出后衣登樓曝之

蛛絲

荆楚歲時記七夕人家婦女結綵樓穿七孔鉞陳瓜果于庭中以乞巧有喜子綢子瓜上者則以為

符應

毒熱寄簡崔評事十六弟

大暑

一作火

運金氣、荆揚不知秋、林下有塌翼、水中無行

舟、千室但掃地、閉關人事休、老夫

一作大

轉不樂、旅次兼

百憂蝕蝨暮偃蹇空牀難暗投炎宵惡明燭况乃懷
舊丘開襟仰內弟執熱露白頭束帶負芒刺接居成
阻修何當清霜飛會子臨江樓載聞大易義諷興一作咏
詩家流蘊藉異時輦檢身非苟求皇皇使臣體信是
德業優楚材擇杞梓漢苑歸驂駟短章達我心理爲

一云待識者籌

殿中楊監見示張旭草書圖

斯人已云亡草聖秘難得及茲煩見示滿目一凄惻
悲風生微綃萬里起古色鏘鏘鳴玉動落落羣松直
連山蟠其間溟漲與筆力有練實先書臨池真盡墨
俊拔爲之主暮年思轉極未知張王後誰竝百代則

鳴呼東吳精逸氣感清識楊公拂篋笥舒卷忘寢食
念昔揮毫端不獨觀酒德

臨池

金盞記張芝臨池學書池水盡黑凡家之衣帛必書而後練之

東吳精

李頎贈張顥詩皓首窮草隸時稱大瀕滌

楊監又出畫鷹十二扇

近時馮紹正能畫驚鳥樣明公出此圖無乃傳其狀
殊姿各獨立清絕心有向一作疾禁千里馬氣敵萬人
將憶昔驪山宮冬移含元仗天寒太羽獵此物神俱
王當時無凡材百中皆用壯粉墨形似閒識者一憫
悵干戈少暇日真骨老崖嶂爲君除狡兔會是翻一作飛

韞上

馮紹正

歷代名畫記馮紹正開元中任少府監八年爲戶部侍郎尤善畫鷹鷂雞雉畫其形態皆眼脚爪毛彩俱妙曾于禁中畫五鹿

堂亦稱其善有降雲黃雨之感朱景玄
名畫錄馮紹正善雜鶴龍水時稱其妙
有摹榻妙法古時好榻画十得七八亦有御
府榻本謂之官榻十二扇蓋榻馮監畫本也
鶻逸氣奇姿特異他等上愛之每校獵必置
于駕前目爲尖勝兒酉陽雜俎目爲快雲兒

圖狀

淵林画品曲有六法六傳移模寫是也張彥遠云顧愷之

驪山

津陽門詩注申王有高麗赤鳳坡王有北山黃

送殿中楊監赴蜀見相公

去水絕還波洩雲無定姿人生在世間聚散亦暫時
離別重相逢偶然豈定期送子清秋暮風物長年悲
豪俊貴勲業邦家頻出師相公鎮梁益軍事無子遺
解榻再見今用才復擇誰況子已高位爲郡得固辭
難拒供給費愼哀漁奪私干戈未甚息紀綱正所持
汎舟巨石橫登陸草露滋山門日易久一云夕當念居者
思

相公

大曆元年二月杜鴻漸鎮蜀明年六月入朝鶴曰此詩當是元年秋作按舊書杜亞傳杜鴻漸以宰相出領山劍副元帥以亞及楊炎並

爲判官崔寧傳鴻漸至蜀日與判官楊炎杜亞縱觀高會羯鼓鐸鴻漸出蜀至嘉陵江與從事楊崖州杜亞並登驛樓望月行鳴謠語此詩所謂楊炎者豈卽崖州耶炎以元載敗貶道州司馬詩云况予已高位爲郡得固辭則知炎爲判官正以道州司馬辟也炎傳不記其爲殿中監其爲鴻漸從事却于別傳見之則史之闕遺多矣

贈李十五丈別

峽人鳥獸居其室附層顛下臨不測江中有萬里船
多病紛倚薄少留改歲年絕域誰慰懷開顏喜名賢
孤陋忝末親等級敢比肩人生意頗一作氣合相與襟袂
連一日兩遣僕三日一共筵揚論展寸心壯筆過飛
泉玄成美價存子山舊業傳不聞八尺軀常受衆目
憐且爲辛苦行蓋被生事牽北迴白帝棹南入黔陽

天汧公制方隅迴出諸侯先封內如太古時危獨蕭

然清高金莖露一作金莖露正直朱絲絃昔在堯四岳今

之黃穎川于邁恨不同所思無由宣山深水增波解

榻秋露懸客遊雖云久主陳作月再圓晨集風渚亭

醉操雲嶠篇丈夫貴知己歡罷念歸旋

子山

周書使信父肩吾為梁太子中庶子掌管記室東海徐勣為左衛率

號為徐

陵及信並為抄撰學士父子在東宮既有盛才文並綺麗故世

使體焉

黔陽本黔安縣天寶元年更名汧公李勉肅宗初年為梁州都

奴刺寇梁州勉棄郡走後歷河南尹徙江西觀察使大曆二年來朝拜京兆

尹李十五自陝中往訪止勉在江西時也南入黔陽天自黔取道之懷章也

舊注云訪勉于梁州甚誤新書大曆十年拜工部尚書封汧國公此詩已稱

汧公知新書誤也唐詩林李汧公罷嶺南節度至石門停舟悉搜家人犀象

投水中張彥遠各畫記曾祖魏國公與司徒汧公並佐霍國公關內三軍幕

府汧公傳古多藝窮精蓄奇許詢逸少經年共賞山泉謝傳藏達終日唯論

書畫舊者勉州碑漢素好古解榻徐福傳陳蕃為太守不接賓客唯稱來

尚奇清康簡易為宗臣之表特設一榻去則懸之勉按察江西故用

六

曉春 雲嶠篇鄭南此詩雲嶠憶登臨

西閣曝日

凜冽倦玄冬，負暄嗜飛閣。羲和流德澤，顓頊愧倚薄。
毛髮具自和，一作私肌膚潛沃若。太陽信深仁，衰氣歟有託。
欹傾煩注眼，容易收病脚。流離或作瀾木杪，一作杪猿翩躚。
山顛鶴用，一作期知苦聚散。哀樂日已作，一作亦卽事會賦。
詩人生忽如昨，一作錄古來遭喪亂。賢聖盡蕭索，胡爲將暮年憂世心力弱。

課伐木

并序

課隸人伯夷幸，一作辛秀信行等入谷斬陰木。人日四根止，維條伊枚。正直挺然，晨征暮返，委積庭內。我

有藩籬是缺是補載伐篠蕩伊仗一作杖支持則旅次

干小安山有虎知禁若恃爪牙之利必昏黑槿一作槿

式遇為與虎近混淪乎無良賓客憂一作憂害馬之徒

苟活為幸可嘿息已作詩示宗武一作武誦

長夏無所為客居課奴一作奴僕清晨飯其腹一作腹持斧入

白谷青冥曾巔後十里斬陰木人肩四根已亭午下

山麓尚聞丁丁聲功課日各足蒼皮成委積一作積素

節相照燭藉汝跨小籬當仗一作仗苦一作苦虛竹空荒咆

熊羆乳獸待人肉不示知禁情豈惟干戈哭城中賢

府主處貴如白屋蕭蕭理體淨蜂蠆不敢毒虎穴連

里間隄防舊風俗泊舟滄江岸久客慎所觸舍西崖
嶠壯雷雨蔚含蓄墻宇資屢脩衰年怯幽獨爾曹輕
執熱為我忍煩促秋光近青岑季月當泛菊報之以
微寒共給酒一斛起云長夏而結云秋光更有不盡之意

夔人

朱仲晦曰夔人正讀夔州人耳而山谷乃有黑月虎夔藩之語此頌
又用夔觸按夔見魯靈光殿賦自為此龍動曉元無觸義不知山

谷何所
據也

賢府主

韓曰當是
柏都督

園人送瓜

江間雖炎瘴瓜熟亦不早柏公鎮夔國滯務茲一作一
掃食新先戰士共少及溪一作第老傾筐蒲鵠青滿眼顏
色好竹竿接嵌竇引注來鳥道沈浮亂水玉愛惜如
芝草落刀嚼冰霜開懷慰枯槁許以秋蒂除仍看小

童

一作兒

抱東陵

一作漢

跡蕪絕楚漢休征討園人非故侯種

此何草草

信行遠修水筒

汝性不如輦清靜僕夫內秉心識本

一作根

源於事少滯

礙雲端水筒圻林表山石碎觸熱藉子修通流與厨

會往來四十里荒險崖谷大日曛驚未餐

一作食

貌赤媿

相對浮瓜供老病裂餅嘗所愛於斯答恭謹足以殊

殷最詎要方士符何假將軍蓋

高麗本作佩

行諸直如筆用

意崎嶇外

方士符

神仙傳葛玄取一符投江中順流而下又取一符投江中逆流而上又取一符投江中停立不動須臾下符上上符下三符合

一處玄將軍蓋

古今注曲蓋太公所作武王伐紂大風折蓋太公因折蓋之形而爲曲蓋焉戰國嘗以賜將軍高麗刻草堂詩

作佩注引李貳師拔劍乃刺山而
泉飛佩字較蓋字爲穩宜從之

槐葉冷淘

青青高槐葉采掇付中厨
新麪來近市汁滓宛相俱
入鼎資過熟加餐愁欲無
碧鮮俱照筋香飯兼苞蘆
經齒冷于雪勸人投此一作比珠
願隨金轡裏走置錦屠
蘇又作屠蘇路遠思恐泥興深終不渝
獻芹則小小薦藻明
區區萬里露寒殿開水清玉壺君
王納涼晚此味亦時須

屠蘇

吳若本注云庵也博雅屠蘇庵也服虔通俗文屋平曰屠蘇劉孝威結客少年場行拂腰銅匕首障日錦屠蘇武以爲屠蘇酒非是

寒

上林賦過鵲鵲望露寒注云在雲陽甘泉宮外

行宮張望補稻畦水歸

東屯大江北

一云枕大江

白頂

平若按六月青稻多千畦碧

泉亂插秧適云已

引溜

加溉灌更僕往方塘決渠當

斷岸公私各地著浸潤

無天旱主守問家臣分明一作

見溪伴

一作伴

芋芋

一作芋芋

翠羽刻刻生

一作

銀漢鷗鳥鏡

裏來關山雪邊看秋菰

成黑米精鑿

一作

傳一作白粲玉

粒足晨炊紅鮮任霞散

然添旅食作苦期壯觀遺

穗及衆多我倉戒滋蔓

玉粒

拾遺記山名聚土上有方萬千里多大鵠高一丈羣飛于湖際採不周之粟于環丘之上生穰高五丈其粒皎然如玉

紅鮮

鮮字注江潮人謂江米曰紅鮮又曰紅鮮謂顏色之鮮如霞也淮南吳越人有此

催宗文樹雞柵

吾衰怯行邁旅次展崩迫愈風傳烏雞秋卵方漫喫

自春生成者隨母向百翻驅趨制不禁喧呼山腰宅

課奴殺青竹終日憎一作增赤幘踏藉盤按翻塞蹊使

之隔墻東有隙一作作地可以樹高柵避熱時來一作未歸問

兒所為跡纖籠曹其內令人不得擲稀間可一作苦突過

瘡爪還汚席我寬螻蟻遭彼免狐貉厄應宜各長幼

自此均勅敵籠柵念有修一作知近身見一作知損益明明領處

分一一當剖析不昧風雨晨亂離減憂感其流則凡

鳥其氣心匪石倚賴窮歲旦安撥煩去一作反冰釋未似尸

鄉翁拘留蓋阡陌

赤幘

射雉賦摘朱冠之纓赫向注云雉幘赤色故曰朱冠搜神記安陽城

者誰答曰西舍

風雨

詩序風雨思君子也亂世則思君子不尸鄉列仙

老雉雞父也

改其更焉二章風雨如晦雞鳴不已傳視

雞翁者，雉人也。居戶鄉北山下，養雞百餘年，雞至千頭，皆立名字，欲引呼名，即依呼而至。後升吳山，其知所在。

園官送菜

井序

園官送菜，把本數日闕，知苦芭馬齒掩乎嘉蔬，傷小人妬害君子，菜不足道也。比而作詩。

清晨蒙

一作送

菜，把常荷地主恩，守者愆實數，略有其名。

存苦芭刺如針，馬齒葉亦繁，青青嘉蔬色，埋沒在

一作自

中園。園吏未足怪，世事固堪論。嗚呼戰伐久，荆棘暗長原。乃知苦芭輩，傾奪蕙草根。小人塞道路，爲態何喧喧。又如馬齒盛，氣擁葵荏昏。點染不易虞，絲麻雜羅紈。一經器

一作氣

物內，永挂蠶刺痕。志士採紫芝，放歌

避戎軒。哇丁負籠至，感動百慮端。

苦苣

本草苦苣即野苣也今人家嘗食為白苣江外嶺南吳人無白苣常板野苣以供厨饌

馬齒

圖經曰馬齒莧雖名莧類而苗

葉與人莧葦都不相似陳藏器云陶以馬齒與莧同類按此二物厥類既殊合從別品

葵苳

廣成頌桂苳莧葵兩雅苳也爾雅曰苳莧葵葉兩似蓴生水中今俗名水葵

似蓴生水中今俗名水葵

上後園山脚

朱夏熱所嬰清旭

一作日

步北林小園背高岡挽葛上崎

崆曠望延駐目飄飄散疎襟潛鱗恨水

一作川

壯去翼依

雲深勿謂地無疆劣於山有陰石楨遍天下水陸兼

浮沉自我登隴首十年無碧岑劍門來巫峽薄倚浩

至今故園暗戎馬骨肉失追尋時危無消息老去多

歸心志士惜白日久客有黃金敢為蘇門嘯庶作梁

父吟

山陰

陳浩然注山北曰陰時夷亂九州分裂孰若山陰可以避亂也

石櫟

杜田補遺唐韻曰櫟音原本名皮可食或云著本止是石

原十年

鶴曰公以乾元二年入廬右至大曆二年為十年

驅監子摘蒼耳

江上秋已分林

一作村

中瘴猶劇哇丁告勞苦無以供日

夕蓬莠獨不

一作獨

焦野蔬暗泉石卷耳况療風童兒且

時摘

一云童僕先時摘

侵星驅之去爛熳任遠適放筐亭

一作當

午際

洗剝相蒙羈登牀半生熟下筯還小益加點瓜薤間

依稀橘

一作本

奴跡亂世誅求惡黎民糠粃窄飽食復何

心荒哉膏粱客富家厨肉臭戰地骸骨白寄語惡少

年黃金且休擲

蒙羈

夢弼曰謂洗其土縛其毛以筐盛而巾覆之也

四佳詩一酒酒
之步二流而微如
沉鬱之致

前半為起初向
畢後半言往問
野徑者一轉深
更見感慨

秋行官張望督促東渚耗一作稻向畢清晨遣女
奴阿稽監子阿段往問

東渚雨今足。竹間粳稻香。上天無偏頗。蒲稗各自長。
人情見非類。田家戒其荒。功夫競楫楫。除草置岸旁。
穀者命之全云本。客居安可忘。青春具所務。勤墾免亂
常。吳牛力容易。並驅去聲動莫當。一二云紛豐苗亦已概。雲
水照方塘。有生固蔓延。靜一資隄防。督領不無人。提
攜一作頗在綱。荆揚風土暖。肅肅候微霜。尚恐主守疎。
用心未甚臧。清朝遺婢僕。寄語踰崇岡。西成聚必散。
不獨陵我倉。豈要仁里譽。感此亂世忙。北風吹寒波。
蟋蟀近中堂。荏苒百工休。鬱紆遲暮傷。

阻雨不得歸灤西甘林

三伏適已過，驕陽化爲霖。欲歸灤西宅，阻此江浦深。
壞舟百板圻，峻岸復萬尋。篙工初一棄，恐泥勞寸心。
佇一作倚立東城隅，悵望高飛禽。草堂亂玄圃，不隔崑崙岑。
昏渾衣裳外，曠絕同層陰。園甘長成時，三寸如黃金。
諸侯舊上計，厥貢傾千林。邦人不足重，所迫豪吏侵。
客居暫封殖，日夜偶瑤琴。虛徐五株態，側塞煩胸襟。
襟焉得一作能輟兩一作雨足，杖藜出嶇嶽。條流數翠實，偃息
歸碧潯。拂拭烏皮几，喜聞樵牧音。令兒快搔背，脫我
頭上簪。

雨

峽雲行清曉。煙霧相徘徊。風吹蒼江樹。臨海作去雨灑石壁來。淒淒生餘寒。殷殷兼出山。一作雷。白谷變氣候。朱炎安在哉。高鳥濕不下。居人門未開。楚宮久已滅。幽珮爲誰哀。侍臣書玉夢。賦有冠古才。冥冥翠龍駕。多自巫山臺。

翠龍

高唐賦規爲旌翠爲蓋

雨二首

青山澹無姿。白露誰能數。片片水上雲。蕭蕭沙中雨。殊俗狀巢居。曾臺俯風渚。佳客適萬里。沉思情延佇。挂帆遠色外。驚浪滿吳楚。久陰蛟螭出。寇盜復幾許。

空山中宵陰微冷先枕席迴風起清曙一作曉萬象萎已
碧落落出岫雲渾渾倚天石日假何道行雨含長江
白連檣荊州船有士荷矛戟南防草鎮慘霑濕赴遠
役羣盜下辟山總戎備強敵水深雲光廓鳴櫓各有
適漁艇息一作自悠悠園歌負樵客留滯一老翁書時記
朝夕

晚登灤上堂

故躋灤岸高頗免崖石擁開襟野堂豁繫馬林花動
雉堞粉如雲山田麥無壠春氣晚更生江流靜猶湧
四序嬰我懷羣盜久相踵黎民困逆節天子渴垂拱
所思注東北深峽轉修聳衰老自成病郎官未爲冗

妻其望呂葛不復夢周孔濟世數嚮時斯人各枯冢
楚星南天黑蜀月西霧重安得隨鳥翎迫此懼將恐

斯人

蓋指房瑄張鎬嚴武之
流公所相期濟世者也

又上後園山脚

昔我遊山東憶戲東嶽陽窮秋立日觀矯首望八

北云

荒朱崖著毫髮碧海吹衣裳蓐收困用事玄冥蔚强

梁逝水自朝宗鎮名各其方平原獨憔悴農力廢耕

桑非關

一作北關

風露凋曾是戍役傷於時國用富足以守

邊疆朝廷任猛將遠奪戎囷場到今事反覆故老淚

萬行龜蒙不復見况乃懷舊

一作故

鄉肺萎屬久戰骨出

熱中腸憂來杖匣劍更上林北岡瘴毒猿鳥落峽乾

南日黃秋風亦已起江漢始如湯登高欲有往蕩析
川無梁哀彼遠征人去家死路旁不及祖父塋鼎鼎
塚相當

蓐收玄冥

蓐收金神西方也玄冥水神北方也窮秋之時蓐收將退而玄冥方來增長安漸凋敝而祿山方強梁于范陽也

雨

山雨不作淫江雲薄爲霧晴飛半嶺鷓鴣風亂平沙樹
明滅洲景微隱見巖姿露拘悶出門遊曠絕經目趣
消中日伏枕卧久塵及屨豈無平肩輿莫辨望鄉路
兵戈浩未息虵虺反相顧悠悠邊月破鬱鬱流年度
鍼灸阻朋曹糠粃對童孺一命須屈色新知漸成故
窮荒益自卑飄泊欲誰訴厄羸愁應接俄頃恐違一作危

迂浮俗何萬端幽人有獨步一作高麗公竟獨往尚子終罕遇宿留洞庭秋天寒瀟湘素杖策可入舟送此齒髮暮

宿留

讀書宿留海上師古曰有所須待也

甘林

捨舟越西岡入林解我衣青芻適馬性好鳥知人歸晨光映遠岫夕露見日晞遲暮少宸食清曠喜荆扉經過倦俗態在野無所或云違試問甘藜藿未肯美輕肥喧靜不同科出處各天機勿矜朱門是陋此白屋非明朝步鄰里長老可以依時危賦歛數脫粟爲爾揮相攜行荳田秋花靄菲菲子實不得喫貨市送王

畿盡添軍旅用。迫此公家威。主人長跪問。戎馬何時
稀。我衰易悲傷。屈指數賊圍。勸其死王命。慎莫遠奮
飛。

雨

行雲遞崇高。飛雨靄而至。潺潺石間溜。汨汨松上駛。
亢陽乘秋熱。百穀皆一作亦已棄。皇天德澤降。焦卷有生
意。前雨傷卒暴。今雨喜容易。不可無雷霆。間作鼓增
氣。佳聲達中宵。所望時一致。清霜九月天。髣髴見滯
穗。郊扉及我私。一云我圃日蒼翠。恨無抱甕力。庶減臨

江費

吳若本注峽內
無井取江水喫

種蒿苳 井序

既雨已秋堂下理小畦隔種一兩席許蒿苳向二
旬矣而苳不甲坼伊人一作獨覓青青傷時君子或晚
得微祿輒軻不進因作此詩

陰陽一錯

一作屯

亂驕蹇不復理枯旱于其中炎方慘如

燬植物半蹉跎嘉生將已矣雲雷歛奔命師伯集所

使指麾赤白日湏洞青光

一作雲色

起雨聲先已

一作以

風散足

盡西靡山泉落滄江霹靂猶在耳終朝紆颯沓信宿

罷瀟灑堂下可以畦呼童對經始苳兮蔬之常隨事

藝其子破塊數席間荷鋤功易止兩旬不甲坼空惜

埋泥滓野莧迷汝來宗生實於此此輩豈無秋亦蒙

寒露委翻然出地速滋蔓戶庭毀因知邪干正掩抑

正以觸目一覽
此興三意

至沒齒賢良雖得祿守道不封邑擁塞敗芝蘭衆多
盛荆杞中園陷蕭艾老圃永爲耻登于白玉盤藉以
如霞綺莧也無所施囧顏人筐筐

人莧

闕經莧實卽人莧也莧有六種入藥者人白二莧

宗生

吳都賦宗生高岡旋茂幽阜

暇日小園散病將種秋菜督勒耕牛兼書觸目

不愛入州府畏人嫌我真及乎歸茅宇二云及歸旁舍未

曾噴老病忌一作恐拘束應接喪精神江村意自一作放林

木心所欣秋耕屬地濕山雨近甚勻冬菁飯之半牛

力晚一作來新深耕種數畝未甚後四鄰嘉蔬既不一

名數頗具陳荆巫非苦寒採擷接青春飛來兩白鶴

暮啄泥中芹雄者左翮垂損傷已露一作筋一步再流

血尚經一作驚 贈繳勒三步六號叫志屈悲哀頻驚屋不
相待側頸訴高旻杖藜俯沙渚爲汝鼻酸辛

白鵠

古樂府 魏歌何嘗行 一曰飛鵠行 飛來雙白鵠 乃從西北來 十五五羅列成行 妻卒被病行不能相隨 五里一反顧 六里一徘徊 五里

御汝去口噤不能開 吾欲負汝去 毛羽何摧頹 樂哉新相知 憂來生別離 躊躇顧羣侶 淚下不自知 夢獨曰 此詩全用古樂府 魏歌行四解之意

杜工部集卷之六

李振宜滄葦校